

C. B. D.

# LAUDABILIVM POLITICORVM,

*ex Iustino,*

PARS PRIOR,

Quam

DEO ANNVENTE,

Exercitatione Academica

SOLENNI,



*Præfide*

VIRO,

*Plurimum Reverendo, Excellentissimo, Clarissimo.*

DN. IACOBO SCHALLERO,

SS. Theol. Doct. & Philosophiæ Practicæ Profes-  
fore celeberrimo, h. t. Collegii Philosoph. Decano, Patro-  
no & Fautore suo æternum honorando,

*in August. d. 20.*

Respondendo tuebitur

AVGVSTVS FRIDERICVS MOCKE-

LIVS, Natus Halæ.



ARGENTORATI,

Typis FRIDERICI SPOOR, Anno M. DC. XLIX.



*Magnifico, Nobilissimo & Amplissimo,*

V I R O ,

DN. ANDREAE BVRCK-  
H A R D O , I C T O ,

Sereniss. & Potentiss. Principi ac Dn. Domino  
E B E R H A R D O Duci Wurtembergico &c. à Consiliis  
Secretioribus, eiusdemque Sereniss. Celsitudi-  
nis Cancellario,

*Patrono meo ,*


*Summa observantia colendo,,*

Laudabilia hæc Justiniana,,

*Devoti animi, debitaq; gratitudinis  
Monumentum*

L. M. D. D. C.

Augustus Fridericus Mockelius,  
A. & R.



Ræstitit, VIR NOBILISSIME, JUSTI-  
NUS nobis opus maximè bonum &  
utile; dum TROGUM POMPEJUM,  
cuius scripta temporum iniuria inter-  
ciderunt, tam facili & candido stylo in  
Epitomas contraxit, quas tam accuratè composu-  
it, ut vix aliquid desiderari possit. Studuit enim  
maximè veritati rerum, neque dum res maioris  
momenti omittit, posuit minutias; sed ut verbo  
dicam, omnes ad circumstantias diligentissimè  
respexit. Quū ergò inter alios scriptores ad hunc  
quoq; adductus, perspicerem, quantus rerum the-  
saurus JUSTINI copiosissima brevitate cōtineretur,  
haud inutile duxi, ex dimidia eius parte (altera fra-  
tri relicta) unum alterumve locum; qui mihi ma-  
ximè placebat, in ampliorem campum deducere,  
quædamque de iis in modum disputationis con-  
scribere: quod tamen imbecillitatis meæ mihi o-  
ptime conscius, vix conatus essem, nisi *Ampliss.*  
quoq; *Dn. BOECLERO, patrono & præceptoris meo*  
*aternum honorando, Professori iam REGIO,* dum  
adhuc Academiam hanc incomparabili doctrina  
sua præsens illustravit, visum fuisset id laboris mi-


hi iniungere, non quidem ut pari, sed cui ex optimo conatulaus petenda esset: hoc si promptius fortasse, quam mea virium tenuitas siadebat, subierim, non ideo reprehendendus videor, quippe qui ad perfectiora quoque hac via contendere studeo. Hoc igitur, VIR NOBILISSIME, fretus benignitate tua & beneficiis in parentem collatis, quaecunque studiorum meorum specimen grata piaque mente, simplici que proposito ac formula NOBILISSIMO NOMINI TVO, inscriptum eo atque dedicatum: Scio enim TE solere præter eas quoque curas, quas optimis maximisque Principibus commodas, & litterarum & elegantiorum studiorum meminisse. Cæterum rogo, quæsoque, NOBILITATEM TUAM, ut his, quæ tum in stylo, quam cætera tractatione à me errata sunt, benevolentia & humanitatis Tuæ patrociniū commodes. Accipe ergò VIR SUMME, istam voluntatis meæ declarationem solita libentia atque comitate, officiumque hoc meum, quæ es humanitate & erga amicos facilitate benignè interpretare. Dabam Argentorati, die 29. Augusti, Anno M. DC. XLIX.

*Magnif. Nobiliss. Amplitudini Tue,*

Omni-observantia addictissimus

Augustus Fridericus Mockelius.

LAV-



# LAVDABILIA POLITICA EX JUSTINO.

De  
*Epitomatoribus ad Praefationem  
Iustini.*

 Crispit Justinus *Epitomas in historis* majores Trogi Pompeii : ex quibus Epitomis nunc excerpando aliqua constitui observare. Hac itaque occasione fuerit videndum de Epitomatoribus huiusmodi. Nonnulli enim institutum breviandi maiora opera reprehendunt, & Epitomatores tales objurgant. contra quos disputat Claudius Salustius in praefatione ad Lucium Ampelium; cuius praeter cetera haec sunt verba: De iis, quibus apparet hanc animi mentem fuisse, ut pro auctoribus legerentur, quos compilaverant aut abbreviaverant, videndum, an omnino hi extra culpam. Non nemo certe eas accusat, reosque peragit illius incuriae, qua tot praecellosos nobis abstulit scriptores. Ego vero Epitomatores, & omnes eiusmodi breviorum compositores, & compilatores centonum, non adeo litteris censeo nocuisse, ut autumant nonnulli. Quod enim ita existimant, eos in causa fuisse, cur ipsis auctoribus, quos abbreviarunt, & excerpserunt, careamus, ego in alia sum sententia. Ea socordia fuit illorum temporum, quibus barbari litteratum & Romanum orbem inundare ceperunt, ut nisi extitissent, qui nobis has tanquam ex naufragio tabulas servarunt, certum sit, nihil prorsus ex illorum monumentis ad nos fuisse perventurum. Atque praestat hac qualiacunque nos habere, quam nihil. Malo certe, quod

pag. 290.

ad me attinet, sic eos maiore sui parte esse deperditos, quam si toti funditus periissent. Qui reliquias sanctorum corporum consecretantur, ac studiose religioseque eas requirunt, satis habent, si vel uno officulo potiri queant. Beatiores certe se iudicarent, si totum corpus alicunde nancisci possent. Hoc cum non liceat, saltem eo, quod licet, contenti sunt. Ita ergo nos affectos esse oportet erga illas veterum reliquias scriptorum, quæ nobis remanserunt, gratiamque illis habere, nisi maxime ingrati velimus esse, per quos ea hoc qualiacunque modo ad nos salva fuerit transmissæ. Est etiam, ubi propter locordiam lectorum talibus introductionibus uti consilium videbatur. ne dicam de vario usu quem tales epitomæ præstant. Possis huc referre illud Martialis Epigr. XIV, 2.

*Lemmata si quaris, cur sint adscripta, docebo.*

*Ut, si malueris, lemmata sola legas.*

Peccasse interim aliqua tales epitomatores vel imperitè excerpando, vel aliis modis, nemo planè negaverit.

## *Regna antiqua.*

*Iust. l. 1, 1.* **T**Radit Justinus in principio operis sui, regnum fuisse antiquissimum & usitatissimum imperii genus; cum quo & alii plures consentiunt. Aristoteles dicit; primum & divinisimum esse Principatum: quod etiam Cicero affirmat: omnes antiquas gentes regibus primum paruisse: Sallustius inquit: in terris nomen imperii primum fuisse. Ad id autem nemo ambitione, insidiis & malis artibus pervenire debuit, sed spectata inter bonos moderatione, & virtutis merito viro probro deserebatur. Erant autem, quod amplius notandum est, imperia illa potestate plena, ita, ut arbitria Principum pro legibus essent. Quare Tacitus inquit: *Vetusissimi Annal. III, mortalium, nulla adhuc mala libidine, sine probro, scelere, eoque sine 26, 1, & 2. peya, aut coercionibus agebant: neque premium opus erat, cum honestas apte ingenio pererentur, & ubi nihil contra morem cuperent, nihil per metum vitabantur.* Talibus regnis iustitia præsidium & ornamentum assignatur, nam fines imperii tuebantur magis, quam præ-

proferebant, & intra suam cuique patriam regnassinebantur. Ceterum in descriptionibus eiuscemodi antiquiorum & heroicorum regnorum subest falsa hypothesis: quasi homines quodam tempore sua sponte, sine probro, sine sceleribus, sine legibus vixerint. Contradicunt enim *Aristoteles X. Ethic. Nicomach. cap. ultimo*; & descriptiones antiquissimarum gentium. e. g. *Aboriginum apud cap. 2. Sallustium in Catil. Libycarum gentium apud eund. in Iugurth. & cap. 28.* Videntur etiam confundi à nonnullis leges scriptæ cum non scriptis. Interim tamen comparatio sæculorum mediorum ac deteriorum adhuc locum habet, & ad historicam veritatem accommodari potest.

### *Semiramidis imperium si ve imperium muliebre.*

Potest hic quæri de jure, quo Semiramis regium munus usurpavit. Videtur autem Semiramis defendi posse, quia immaturo filio tradi regnum sine periculo ruinae & interitus non poterat. Fuerit itaque stimulus Heroicus, amore boni publici, & conscientia magnæ virtutis armatus in Semiramide: quæ mulier non feminas modo virtute, sed etiam viros anteivit. Interim Semiramis hoc unum nunc argumentum politicis suppeditet, non deficere naturam, quantum ad virtutes rerum gerendarum attinet, etiam in hoc sexu; qui sicut ad imperium invitari aut ambitiose expeti non debet, ita sæpe nullo jure potest excludi. Obijciunt quidam politicorum apud Lipsium; sexum muliebrem imbecilem & imparem esse laboribus ac rebus gerendis. Sed sciendum plurimas quoque mulieres esse, quæ dotibus ingenii ac corporis optime instructæ sunt. Sicut aliquot egregia exempla illustrium & virilium feminarum *Lipsius in monitis suis politicis nobis com- de fam. cl. memorat.* Cæterum disputationes politicorum in hac materia *lustr. Lib. II. c. 24* facile definit lex & mos Rerum publ.; nam quæ ab ipso sexu petuntur argumenta, quæstionem juris non attingunt.



# Regnum Sardanapali & Astyagis, sive de causis destruentibus regna.

3. Pol. c. 12. **P**olitici ad duo inprimis capita referunt ea, quibus destruuntur dominationes: si vel contemptus, vel invisus sit, qui dominatur. Contemptibilis principis exemplum grande est Sardanapalus. His enim à quibus maximè despicitur Princeps, contemptibilem se fecit. Forma, quod plebi reverentiam omnem excusserat, *Lips. polit.* & licentiam prabuerat peccandi: dum raro à vitis vilis quotidie in *IV. 12, 17.* *Tac. histor* feminarum turba habitavit: quod rerum omnium incuriosus *lib. 9. 3.* *auditu, quamvis magna transmiserat*: sicut cū audivisset ab Arbacto præfecto Medorum bellum sibi imminere, non vir regnum defensurus, sed ut metu mortis mulieres solent, primò latebras circumspexit, mox deinde cum paucis & incompotis in bellum progressus est: quod etiam abunde ratus, si presentibus frueretur, nec *Tac. H. II.* *95. 4.* *in longius consultabat*: quod denique munia omnia transmiserat, ut *Tac. Ann.* *4, 41, 4.* *velut sponte videretur exire de imperio.* Fortuna quoque non solum ipsi haud parvum contemptum paravit, dum ab Arbacto prælio victus est. Sed mores etiam eius ita effeminati, ut inter scottorum greges purpuram colo peret, & muliebri habitu, cum mollitia corporis & oculorum lascivia omnes feminas anteiret, ipsum maximè contemptibilem reddiderunt; quæ tamen muliebria valde opinionem non regis modo, sed viri detrahunt. Quod *Tac. H. III.* *36, 1.* *deinde etiam imitatus ignava animala, quibus si cibum suggeras, jacent torpentque, & præterita, instantia, futura pari oblivione dimittunt.* His ergo maximum contemptum sibi imposuit, ut etiam tandem vita & regno exitus fuerit.
- lib. I. 1. c. 4* *& seqq.* Odium verò adversus dominantes, quomodo consurgat, Astyagis exemplum docere potest. Paravit enim id sibi per vitia, præcipuè quidem levitia sua & rigore. Per levitiam, quia in puniendo modum non habuit, dum nepotem filix suæ, ne successorem haberet, crudeliter interfici mandavit, & Harpago quoque amico suo infestus, in ultionem servati nepotis, filium eius inter-
- Senec. I.* *de fecit epulandumque patri tradidit, cum tamen parsimonia esse de-*  
*Clement.* *beat etiam vilissimi sanguinis.* Rigore odiosum se reddidit populo, quia plane nullas voluptates ei concesserat, sed semper magnis
- eum



3  
eum laboribus premebat; cum tamen quardam subditis permit-  
tenda sint, ut in meliori obedientia retineantur; puta in ludis &  
huiusmodi receptis voluptatibus: videmus enim ne majores qui-  
dem spectaculorum oblectamentis abhorruisse. *Tac. Ann. 14, 21, 2.*

## Cyrus Regni Persici conditor.

**V**idimus haftenus, quibus rebus imperia destruantur & egre-  
gia eius rei exempla Sardanapalum & Astyagem habuimus;  
nunc Cyrus nobile exemplum constituendi imperii nobis occur-  
rit. Attulit enim is ad condendum imperium notabiles inge-  
nii dotes & animi artes: nam ingeniosus fere heroico & singu-  
lari, quod in pueritia statim exsplenduit; sicut cum inter ludentes  
forte rex delectus, contumaces per lasciviam verberibus affecisset,  
à rege accersitus interrogatusque, cur id faceret, tanta con-  
stantia respondit, se fecissent regem, ut Astyages valde eam admi-  
raretur. Prudentia eius eximia, *qua imperantis propria & unica* *Iust. l. 4.*  
*virtus*, & sine qua imperium non solum infirmum, sed nullum est,  
ex eo apparet, quod magnis cœptis egregios adiutores legit; ha-  
buit enim Sybarem servum cuiusdam Medi, tanquam divinitus  
sibi ostensum, comitem in omnibus rebus: ita nec minus etiam  
Harpagus ipsum adiuvit; dum ab Astyage acceptum exercitum  
statim Cyro per deditiōem tradidit, ut eo facilius Astyagem re-  
gno eiiceret. Deinde quod populum comitate & beneficio sibi  
conciliavit, dum splendide epulas ipsi apparavit, promittens simul  
si se sequeretur, semper talem vitam acturos. *Iust. l. 5.*  
Ostendit autem prudentiam suam etiam in eo, quod nihil aggressus est,  
nisi rebus arte paratis, quippe non prius quam convocato & concilia-  
to populo Medis bellum intulit, quod deinde quoque adiutores  
consiliorum prœmiis & honoribus affecerat, sicut Sybarem soci-  
um cœptorum, quem Persis prae posuit, & sororem suam ei inma-  
trimonium dedit. Denique magna eius prudentia fuit, quod apud  
victos res egregiè composuit: quemadmodum Lydis victis  
arma & equos ademit, iussitque canponas, & ludricas artes, &  
lenocinia exercere, ut gens quondam industria potens virtutem  
pristinam perderet, nec amplius deficere & bellum reparare tenta-  
*Iust. l. 6.*

ret. Fortitudo & virtus militaris altera veluti manus fuit, quam admovit Cyrus tantis operibus, quippe sine qua imperium vix comparari & conservari potest: *fortibus enim viri natura omnes terras aperuit, & eorum omnia sunt.* Fortitudinem autem suam maximè in his exhibuit, dum Astyagem & Cræsum bis vicit, qui secunda vice ipse captus est, Lydos etiam iterum superavit, imò tota Asia subacta & universo oriente in potestatem redacto, à Scythiis quoque victoriam reportavit; itaque per 30 annos admirabiliter in signis regnavit.

*Senec. l. de clement. 3.* Sed clementia quoque eius non minus insignis fuit, quippe *que maximè principem decet*, quia ipsum amabilem, firmum & illustrem facit; Prindè enim adversus Astyagem ipsum maximè mitem se præbuit, dum capto nihil aliud, quam regnum ademit: nepotemque in illo magis quam victorem egit eumque maximè genti Hyrcanorum præposuit. Deinde in Cræso quoque magnam clementiam exercuit, quæ non minus victori, quam victo utilis esse solet: nam Cræso capto nihilominus & vita & patrimonii partes & curbs Barce concessa sunt, ut in ea etsi non regiam, proximam tamen maiestati regis vitam degere posset. Huius clementiam cum laude imitati sunt Julius Cæsar, Octavianus, Vespasianus, Titus, Carolus Magnus, Ludovicus duodecimus, & alii, qui inter præclara clementiæ exempla numerantur.

### *Dominatio Magorum.*

*Just. l. 9.* CYRO postea regi prudentissimo, fortissimo & clementissimo successit filius Cambyfes; qui cum seipsum casu interemisset, Magus quidam Mergidem, cui regnum debebatur, prostravit, & cupidus regni, sicut natura hominum avida imperii esse solet, ut semper quidam reperiantur, qui vi & dolis imperium adipisci quærunt; in locum eius Oropasten substituit, quia lineamentis & oris & corporis ipsi persimilis erat: sic Magi regnum Cyri adepti sunt; qui etiam ad favorem populi conciliandum, tributa & vacationem in triennium permiserunt. Quamvis autem largitionibus imperium cœperunt, tamen experti, *imperium vi quæsitum non esse diuturnum.* Nam ea res mox Ostani

*Curt. 10, 4, 7.*

7

Ostani viro nobili suspecta fuit, quare cum per internuntios ex filia totam rem comperisset, cum aliis coniuratis Magos interfecit: ut adeo postea regno recepto sorte iustus princeps eligeretur.

### *Zopyri factum.*

**C**VM Darius, qui sorte ex 7 interfectoribus Magorum rex declaratus erat, contractis in unum copiis vigesimum iam *Insim. lib. 4.* mensem inexpugnabilem Babyloniam, quam Assyrii post defectionem expugnaverant, circumsedisset: (Babylonii enim metu obsidionis mulieres suas paucis exceptis, omnes strangulaverant, ut viris militariibus uberior com meatus suppeteret; excubias strenue obibant, & omnia ad sufferenda diuturnæ obsidionis incommoda pridem comparaverant) Zopyrus unius de interfectoribus Magorum Megabyzi filius urbem viribus cunctis superiorem dolo cepit. Naso enim, auribus, labiisque præcis, & coma deformiter circumtonsa ad urbem perrexit, subinde respectans, tanquam verè perfuga, ibi introductus fidem fecit Babyloniiis, à Dario se contumelia ista affectum. Mox trucidatis ex composito aliquot Persarum turmis, transfugio adjunxit gloriam. Sic custodiæ urbis præfectus, Dario eam prodidit. Solent Philosophi de hoc facto Zopyri disquirere, an justum fuerit. Pleorumque sententia, qui hanc historiam describunt, eo tendit, ut potius laudare id factum conentur, quam vituperare. Plutarchus in Apophthegm. ideo ipsum virum bonum appellat, & commemorat, Darium hanc ob causam sæpenumero dixisse, se malle integrum habere Zopyrum, quam centum Babylonibus potiri. Herodotus refert, Darium ipsum ob id factum egregie etiam remuneratum esse. Sed tamen, si rem recte perpendimus, Zopyrus vituperandus potius est quam laudandus. Propositum quidem eius bonum fuit, sed honestas propositi non statim facit rem honestam, nisi honestè tractetur. Posset hic objici, nulla alia vi Babyloniam potuisse capi: sed ibi sciendum, nullam fidem necessitate *Sen. ep. 82.* ad fallendum cogi; & præterea fraus distringit non dissolvit perjurium. *Cic. III. de offic. sub fin.* Quare minimè audiendi illi sunt, qui Zopyri factum à reprehensione remotum aiunt: neque enim fides eius in regem, perfidiam in eos, ad quos confugerat, excusat.

*Scytharum elogium, quo comprehen-  
ditur etiam Amazonum  
virtus.*

*Iust. lib. II.* Incipit autor noster Lib. II. res gestas Scytharum summam e-  
logio quodam describere. ac primò quidem de origine eorum  
quædam refert. Dicit enim Scytharum gentem semper anti-  
quissimam habitam esse, quanquam inter Scythas & Ægyptios  
diu contentio de generis vetustate fuerit. sed ista Ethnica & su-  
perstitiosa hypothesis. Verior origo repetenda est ex Bonfinio  
*Decadu l. lib. II.* & aliis scriptoribus: Bonfinius ait, neminem esse, qui deneget, *Scy-  
tharum gentem à Scytha filio Herculi nomen accepisse.* Earum au-  
tem terra prima fuit Asiæ, quæ dicitur ab initio regionum omni-  
um nobilissima, & quæ prima genus mortalium intra se conspex-  
it, & in alias mundi partes emisit.

*IV. 6. 3. Iust. II.* Hæc breviter de origine: Progreditur postea ad virtutem e-  
orum, & res bello præclare gestas; præsertim enim Scythæ virtu-  
tem belli adepti sunt, quare iis à Curtio & aliis elogium *bellicosissimæ gentis* meritò tribuitur. Nam Darium regem Persarum turpi fuga summo-  
verunt: Cyrum cū omni exercitu trucidaverunt: Alexandri Magni Duce[m] pari ratione cum copiis universis dele-  
verunt; Vexorem quoque regem Ægyptium in fugam verterunt: & Parthicum ac Bactrianum imperium ipsi condiderunt. Sed  
Amazones quoque virtute haud inferiores fuere: Eæ enim fines  
suos summoventes primò, mox etiam inferentes bella defende-  
runt: Rempublicam sine viris auxere & maiore parte Europæ  
subacta, Asiæ quoque nonnullas civitates occupavere. ac ibi E-  
phesum multasque alias urbes condidere. Reperiuntur autem  
quidam, qui plane volunt negare, unquam Amazones fuisse, inter  
*Lib. XI.* quos præcipuè Strabo est, qui ait: *fabula esse & à fide plurimum  
distare, quæ de Amazonibus dicitur.* Cum tamen plurimi scri-

*4. 56. 1. VI. 5. IV. 14.* ptores sint, qui earum mentionem faciunt: ex quibus Tac. etiam,  
Curt. & utroque vetustior Herodotus est, qui bellum Græcorum  
& Scytharum accuratè describit. Sed nos in re tam ambiguae  
fidei, abunde præstiterimus, si tot & tantis scriptoribus credamus,  
haud omnino ex vano haustam fuisse istam opinionem; mulie-

res enim militasse quandoque, multis fidisque probatorum scriptorum testimoniiis certum est.

Tandem mores quoque Scytharum autor noster singulari *Inst. II. 2.* diligentia describit: nam in illis vitiorum ignoratio tanto plus profecit, quam in aliis cognitio virtutis; iustitia gentis ingeniis culta non legibus, nullum scelus apud eos furto gravius fuit, aurum & argentum non perinde ac reliqui mortales appetebant; *Leg. pref.* ibi ergo diu paupertati & parsimonia magnus honos fuerat: quanto minus enim rerum, tanto minus cupiditatis esse solet, & sero etiam avaritia luxuriaque immigrat. Hæc continentia illis morum quoque iusticiam edidit, nihil alienum concupiscentibus, quippe ibidem divitiarum cupido est, ubi & usus. Idem Tacitus etiam de *III. A. 26.* vetustissimis mortalium refert: dum dicit, nulla adhuc mala libidine, sine probro, scelere, eoque sine pœna aut coercionibus agebant: neque præmiis opus erat, cum honesta suo pte ingenio peterentur, & ubi nihil contra morem cuperent, nihil per metum vetabantur. Hoc natura Scythæ dedit, quod Græci longa sapientum doctrina, præceptisque philosophorum consequi nequiverunt. Igitur ut verbo dicam, plus apud Scythas boni mores valuerunt, quam alibi bonæ leges.

## Solon & Lycurgus legislatores.

**M**eminis autor noster duorum celeberrimorum legislatorum, *Inst. lib. 2. cap. 1. & lib. 3. cap. 2. & 3.* Solonis & Lycurgi. Hi adeo celebrantur consensu scriptorum, ut si quis velit elogia eorum colligere, ei integrum opus scribendum sit. Præcipue hic consideratu dignum, quomodo uterque Rempubl condiderit (non enim talem hic legislatorem intelligimus, qui unam quamque legem fert, sed talem, qui Reip. *Aristoteles* formam legibus condit, in quibus Reipubl. salus sita est, apud bonos enim iura pietatis plus valent, quàm omnes opes.) Uterque autem instituit Democratiā sed Aristocraticè temperatā, quo sine temperamento vix diuturna & firma esse potest: quare isti legislatores optimo temperamento usi sunt. Magnus quoque & laudatissimæ memoriæ Berneggerus suis in Tacitum quæstionibus de *Quæst. 1.* Democratiā speciatim observat, posse eam aliarum formarum ad-

mixtione ita corrigi, ut accommodatissima civitatibus efficiatur : & ne desit exemplum, inquit : amplissima Respubl. Argenteratenfis, nostrorum studiorum nutritia benignissima ita conformata est, ut potius habeamus, quod eorum, qui primi eam administrationis formam instituerunt, sapientiam admiremur, quam in ea quicquam desideremus : cum quicquid Democratiam viciosum habere dictum est, Aristocratie salutaris temperamento corrigatur : Sufficiat igitur & nobis hoc exemplum. Facienda seorsim esset mentio legis illius de *adiaphoræ* seu neutralitate, quam vocant, in bellis civilibus, quam Aristoteles in legibus Solonis, illis antiquissimis, quæ Athenis axibus ligneis incisæ sunt, quasque latas ab eo Athenienses, ut sempiternæ manerent, pœnis & religionibus sanxerant, ad hanc sententiam refert scriptam. In casu civilis discordiæ, qui non alterutra parte sese adiunxerit, sed solitarius separatusque à communi malo civitatis secesserit, is domo, patria, fortunisque omnibus careto, exsul extorrisque esto. De hac lege, an quis in bello civili neutralis manere debeat, vel non, Lipsius in politicis suis in utramque partem differit, sed nos cum eo dicimus : in retam litigiosa nos pugnandi cupidis hominibus non satisfacere. Interim inter alias leges Solonis hæc quoque potissimum memoratu dignæ sunt. De matrimoniis : Convitiis in vivos pariter ac mortuos : De prodigis & scortatoribus : De funeribus : De liberorum in parentes officio & parentum in liberos potestate : denique etiam de disciplina militari. Lycurgus verò per leges suas potissimum populum in obsequia principum, principes ad iustitiam imperiorum formavit : Parcimoniam omnibus suavit, existimans laborem militiæ assidua fragilitatis consuetudine faciliorem fore : Emi singula non pecunia sed compensatione mercium iussit. Auri argentique usum, velut omnium scelerum materiam, sustulit.

### *SICILIA, eius situs, fertilitas, admiranda, incole, mores.*

*Imp. lib. IV* Quoniam de rebus Siciliæ agendum erat, operæ præsumptavit Historicus, si Siciliam ab initio describeret. Ea res *c. 1. & seq.* mot nos, ut & ipsi ex Diodoro Siculo, Strabone aliisque breve elo-

logium Siciliæ componamus. Omnes interni maris insulas magnitudine iuxta ac claritate antestat Sicilia, quondam si veteribus credimus, continens & Italiæ annexa, post interfuso Siculi maris freto, avulsa: ambitus eius est stadiorum IV millia CCCLX. Figuram habet triquetram, itaque & Trinacria à tribus extremis quondam & postea sono vocis concinniore Trinacris denominata fuit: figuram eius tria definiunt promontoria; Pelorus, Pachynus, Lylibæum.

Quod ad naturam soli cœlique: Sicilia præstantissima est insularum & antiquitate rerum commemorandarum facile primas tenet. Cœli enim clementia ac soli ubertate adeo felix, ut horreum Romanorum appellaretur. Magna fertilitas loci est, quod clarissimus etiam poetarum suo testimonio confirmat:

*Absque satù hic crescunt & vomeris omnia sulco.*

*Hordeum & alticorum triticum vitesque parentes*

*Vvarum & vini: quæ Jupiter imbribus augeat.*

Nam in Leontino agro, aliisq; Siciliæ locis pluribus etiam nunc triticum nascitur, quod agreste vocant: dicuntur enim primi frumenti usum participasse. In propinquo lucos & prata habet, paradisosque paludibus circumseptos, hic ibidem campus Ennensis, qui locus non procul est ab urbe; ubi omnis generis violæ ceteriq; flores odorati per totum continenter annum florent, totamque speciem floridam & iucundam contemplantibus ostendunt. Tanta illic odorum fragrantia esse dicitur, ut canes ad feras indagandas emissi facultate sensus impedita, odoratu feras investigare nequeant. Adde his magnitudinem & multitudinem fluviorum atq; lacuum, tum aquarum & calidarum & frigidarum plurimis locis eruptiones ad sanitatem parandam à natura elaboratas: tum metallorum copiam, materiæque & alimentorum hominibus, brutisque convenientium abundantiam: & huc facientem frugum præstantiam quæ nemo potest pro dignitate verbis explicare. Suppeditat Romæ non modo fructus, sed & pecora pelles, lanas, aliæque id genus. Siciliæ igitur præstantiam ab omnibus prædicatam, qui eam non cedere Italiæ laudibus pronunciant, quid attinet dicere? imò frumento, melle, croco aliisq; rebus quibusdam vel anteire eam Italiæ dixeris.



In hac Insula non minus etiam singularia quasi naturæ miracula memoratu digna sunt; nimirum de *Ætna* & *Cyclopibus*.  
*Solin. c. 2.* Mons est *Ætna* Vulcano sacer. In eius vertice hiatus duo sunt crateres nominati, per quos eructatus erumpit vapor præmisso prius fremitu, qui per æstuantem cavernarum latebras longo mugitu intra terræ viscera diu volvitur, nec ante se flammarum globi attollunt, quam interni strepitus antecedant. mirum hoc est, nec illud minus, quod in illa ferventis naturæ pervicacia mixtas ignibus nives profert, & licet vastis exundet incendiis, apicis canicie perpetua brumalē detinet faciem. itaq; invicta in eo violentia, nec color frigore mitigatur, nec frigus calore dissolvitur. De hoc monte videri etiam potest *Barclaius* in *Argenide* & alii plures qui *Siciliæ* mentionem faciunt.

*Barcl. in Arg. lib. 2.* *Cyclopium* omne genus quidam, ferum fuisse & silvestre; alii non Deorum modo cultores sed & sanguinem putant. Primores tenuisse has sedes, simplicibus legibus vitam inter se agita-  
 visse. illud in confesso est, excessisse humani corporis mensuram. Reperta enim sunt ossa & cadavera eorum, quorum mensura viginti cubitorum erat. Et hinc exteris forte error, ut cum istuc appellerent, in immanibus corporibus impias mentes latere crederent, aut nec colloquium ausi, in ipso terrore spectaculi toto remigio abirent à littore. Præter cætera ne eorum mores dam-  
 nem, facit vetus Græcorum religio: Apud quos in *Isthmo Corinthiaco* ad veterem aram *Cyclopibus* tanquam cælestibus fieri mos est. Vnde his ortus, quæ leges, quæve facinora rudis ætas involvit, nisi quod maximè insiderunt *Ætnores* & *Leontinos* specus, quodque genitos *Neptuno* iactatum est; quem plerumq; immanibus viris patrem, maiores nostri fecerunt.

*Diod. Sic. lib. 5, p. 201.* De moribus Siculorum notandum; eos Græcorum mores habuisse, per commercia enim & multitudinem Græcorum eo navigantium factum est, ut & linguam eorum discerent, & eundem vitæ morem adepti barbaram etiam loquelam simul & nomen (*Siculi* de hinc appellati) mutarent. *Philippus Camerarius* in meditationibus suis historicis notat, ipsos victores equis lauro coronatis, captivis vero tonsis crinibus in triumpho usos esse.

esse. Res gestas eorum breviter quod attinet; bellum gesserunt cum Hannibale, Amilcare, Himilcare, Himilcone, Hannone & aliis.

*Consultatio super excidio nobilissimarum  
urbium Athenarum & Thebarum.*

Cum Athenæ, diuturnitate belli Peloponnesiaci & variis casibus fractæ, iam in hostium potestatem venissent, deliberatum est apud hostem; excindenda ne, an conservanda urbs esset? cui exemplo etiam similis est consultatio Alexandri de Thebarum excidio. Considerabimus autem breviter priorem consultationem, ubi ex parte Spartanorum occurrebat iracundia, iniusta quidem belli causa; & insolentia victoriæ, mali scilicet consultores. Tam diu enim Athenienses tulerunt obsidionem, neque prius se dederunt, aut pacem petiverunt, donec scirent neque ex advectis copiis multum superesse, novasque amplius haud advelhi posse, & post longam demum famem, & assidua suorum funera, pacem petivere. Quare ergo diu inter Spartanos, sociosque deliberatum de excidio urbis. Plus tamen instigabant inimici & æmuli Atheniensium & vicini, Corinthii præcipue ac Thebani ac præter hos alii Græci non pauci, funditus omnia evertenda esse: Quanquam autem suo affectui indulgerent & ex ruina nobilissimæ urbis suæ incrementa sperarent, tamen haud dubie speciosa oratione usi sunt: Athenienses populum esse maxime ambitiosum & æmulum, deinde cupidum quoque dominandi; nullam enim in obsidione mentionem fecisse de compositione, spe retinendi imperii; quamvis multi fame perirent: adeoque iniuste etiam vicinos & socios oppressisse; ea ergo omnino vicissim perpeti debere, quæ ipsi non illatas iniurias puniendi studio, sed mera petulantia adversus humilium oppidorum incolas designassent, neque ante excidium unquam desuturos hostes. Ex diverso melioris sententia auctores, qui conservandam suadebant civitatem; ut Lacedæmonii, qui in consultatione respondebant, minime se Græci nominis urbem everfuros, quæ in maximis Græciæ periculis operam imprimis utilem navasset; talibus rationibus uti po-

*1. sup. lib. 5.  
cap. 3. &  
lib. 11. cap.  
3. & 4.*

*1. sup. lib. 5.  
cap. 3, 20.*

*Xenophon.  
lib. 2. hist.  
Græc.*

*Xenophon.  
lib. 2. hist.  
Græc.*

*Xenophon.  
lib. 2. hist.  
Græc.*

terant, uti dicerent: urbem esse maxime celebritate insignem; in ea viros illustres genitos, res pro communi Græcia fideliter gessisse, cognatione quoque intima & necessitudine iunctos cum cæteris Græcis, adeoque plurimum momenti habere Athenas in ordinanda & firmanda Græcia: non minus quoque magnitudinem animi esse considerandam, quæ miseris nescit insultare, sed reputatione casuum humanorum devictis parcat; neque famam negligendam, quæ apud posteros secutura esset, vel sævitæ, si evertetur urbs; vel clementiæ, si conservaretur.

*Iust. lib. 11.*

*cap. 3. & 4.*

Alterius consultationis de Thebano excidio, descriptionem in ipso historico habemus. Congruunt exempla in eo, quod ibi quoque asperiora suadentes ingens ac hostile odium æmularum urbium & nationum instigavit. Ad mitiora flectere ita cundum victorem pauciores ibi auli sunt. Itaque exitus consultationis utroque diversus: hic Athenienses conservantur, ibi Thebæ evertuntur. Quamvis hi quoque multis rationibus ad servandam urbem usi sunt, tamen potentior fuit ira. Urbem enim diruebatur, agri inter victores dividebantur, & captivi sub corona vendebantur. Huiusmodi vastationem Hugo Grotius in libris de iure belli & pacis, maximè reprehendit; dicit enim: terram haud esse vastandam, nec domus incendendas, multo minus quidem post plenam victoriam. Quare & Cicero non probat Corinthum excisam, ubi tamen sæpe tractati erant Romanorum legati: idemque alibi horrificum, nefarium, omni imbutum odio dicit bellum, quod parietibus tectis, columnis, postibus fit. Laudat ideo Livius Romanorum lenitatem, victa Capua, quod non sævitum sit incendiis ruinisque in tecta innoxia murosque. Sed merito hoc loco obijci nobis potest, Thebanos propter defectionem ab Alexandro, tali pœna dignos fuisse. ad quæ respondemus, nos concedere, nonnunquam licita esse excidia, pro diversitate tamen delicti; dum nempe, quæ apud homines pœna capitalis apud urbes excidia sunt. Sed interim tamen bono temperamento opus est, quia

*lib. 3. c. 12.*

*2. Offic.*

*orat. pro*

*Domo.*

*lib. 26.*

*Arrianus*

*lib. 16.*

*Lips. pol.*

*lib. 2. cap.*

*11. 10.*

non frustra summum ius antiqui summam putarunt crucem.

*Pax*

## Pax Antalcida.

**C**elebre est apud omnes scriptores illius pacis nomen, quam *Iust. lib. 6. cap. 6.*  
 pacem Antalcidæ dixerunt. Eius hic mentionem facit Justinus, quanquam de Antalcida ipso nihil adiicit. Igitur nos collatis ceteris quoque scriptoribus quædam de ea pace annotabimus. Occurrunt autem ante omnia paciscentes: ex una parte Artaxerxes Rex Persarum, qui legatos in Græciam misit, per quos iussit omnes ab armis discedere: qui aliter fecisset, eum se pro hoste habiturum; ex altera Græci, quorum proposita consiliaque præsertim cognoscenda sunt. Ex parte Persarum prætextus, & veræ causæ sive vera consilia: Artaxerxes enim non Græciæ laboribus, assiduisque bellorum internecivis odiis consulens fecit: sed ne occupato sibi Ægyptio bello, quod propter auxilia, adversus præfectos suos Lacedæmoniiis missa, suscepérat, exercitus sui in Græcia detinerentur. Deinde ex parte Græcorum propositum votumque quodammodo discrepabat, si quis Lacedæmonios cum ceteris conferat. Lacedæmonii enim sponte & libenter *Diod. Sic. lib. 4. p. 452.*  
 ac sua utilitate pacem inerunt; ceteri verò Græci necessitate coacti leges pacis inhonestas receperunt, cum tamen pax honesta *Cic. Philipp. 12. cap. 6.*  
 esse debeat, neque pactio servitutis. Conditiones autem sive leges pacis *Diodorus Siculus* hæc narrat: Artaxerxem nempe his conditionibus pacem cum Græcis sanxisse; Si Græcæ per Asiam civitates sub regis ditionem redeant, reliqui verò Græci omnes suis urbes legibus administrant, quod si qui rebelles sædus non admittant, hos se per adstipulatos bello impediturum. Ipsam formulam pacis Antalcidæ describit *Xenoph.* in hæc verba: Rex Artaxerxes æquum esse censet, ut urbes in Asia sitæ, una cum insulis *Hist. Græc. lib. 5. p. 550.*  
 Clazomenis & Cypro, sibi pareant: cætera Græci nominis oppida, parva, magna, sui iuris sunt. Lemnus, Imbrus, Scyrus excipiuntur; quas ut olim, ita nunc etiam Athenienses obtinento. Hanc pacem quicunque reiecerint, iis equidem bellum, una cum approbantibus eam, mari, terra, pecunia, classe inferam. Conciliator huius pacis Antalcidas fuit, à cuius nomine pax dicta est; huius ergo proposita, artes, quaque fide aut calliditate in hoc negotio versatus sit, brevissimis verbis hæc sunt. Antalcidas  
maris

*Xenophon. hist. cir. l. 3. pag. 349.* maris imperium obtinebat, atque adeo prohibebat iam, quo minus naves à Ponto Athenas proficiscerentur, easque suos ad socios sub iucebat, quapropter Athenienses, qui magnā esse classē hostiū viderent, ac ne nunc quoq; perinde, ut prius bello frangerentur, metuerent. posteaquam rex Lacedæmoniis belli socius factus esset, atque etiam ex Ægina tantum non à prædonibus obsiderentur. ob hæc causas omnes pacem postea vehementer expetebant. Hæc ergo pax ut videtur, partim magnifica. partim non ita favorabilis fuit. Magnifica fuit, quod tam ex inopinato adventaverat, quare etiam *Iustinus* ait, eum annum maxime fuisse insignem, quod repente pax tota Græcia facta est. Sed tamen non ita favorabilis erat, quia inhonestissima à *Diodoro* appellatur. Quare & *Plutarchus* in Artaxerxe censet, probrum potius Græciæ & prodicionem pacem appellendam esse, qua bellum nullum scædiorem victis attulit exitum. quippe quæ tamen alias victis utilis esse debeat.

*Iustin. 6, 6.*

*pag. 1022.*

*Lips. polit. V, 20. 2.*

*Perdiccæ vaticinium, sive commentum  
de loco sepultura regie.*

*Iust. lib. 7. cap. 2.* **D**Um autor noster Perdiccam regem *lib. VII, c. 2.* ita describere incipit; vitam nempe eius illustrem, & mortis postrema velut ex oraculo præcepta, memorabilia fuisse: nobilis etiam locus de vaticinio eius occurrit: siquidem senex moriens Argæo filio monstravit locum, quo condi vellet, ibique non sua tantum, sed & succedentium sibi regum ossa poni iussit: præfatus, quoad ibi conditæ posterorum reliquiæ forent, regnum in familia mansurum. Hæc ergo occasione quæri nunc potest, unde Perdiccas hanc futurarum rerum scientiam & divinandi peritiam habuerit? Non desunt, qui morientibus aliquam prælagendi facultatem tribuunt, sive qui credunt, aliquam vim divinandi in anima morientis esse, sed autor noster superstitionem appellat, quam vis

*Lib. 5. cap. 16, 36.* *Lipfio* non omnino spernenda videntur prælagia futurorum. Verisimile etiam est hoc loco tantum regem non frustra hæc dixisse, non quidem, quod certo futura prædiceret; sed ex proposito politi-

litico, quo posteros suos partim ad colendam diligenter hanc regionem, & firmandam quasi regni sedem; partim ad res præclare gerendas, bona spe & fiducia successionis instigare voluit.

### *Philippus iudex iniquus.*

**I**Niqui iudicis nobile exemplum regem Philippum habemus. *Luc. 8. c. 3.* Quippe cum ipsum duo fratres reges Thraciæ non contemplatione iustitiæ eius, sed invicem metuentes, ne alterius viribus accederet, disceptationum suarum iudicem eligerent: Philippus more ingenii sui, ad iudicium veluti ad bellum, inopinantibus fratribus, instructo exercitu supervenit: & regno utrumque non iudicis more, sed fraude latronis ac scelere spoliavit, ut ita in dirimenda lite similis fuerit leoni *Ætopico* in partienda præda. Apparet ergo exinde maxime periculosum esse, præpotentem aliquem ultrò iudicem arbitrumque constituere; quod etiam exemplum Aricinorum apud *Livium* comprobat. Cum enim illi *Luc. 3. c. 7.* de ambiguo agro, postquam sæpe bello certassent, multis invicè cladibus fessi iudicem populum Romanum cepissent; iudices etiam statim litem in rem suam verterunt; quamvis consules & patrum primores eos docerent; iudicem non posse litem in suam rem vertere: licere quidem interdum iudici emolumentum sui curâ habere: sed tamen apud alios potius iudices, id est, iudex cum videt suum emolumentum in causa versari, aliorum iudiciū ipsum sequi debere.

### *Elogium Philippi.*

**P**ostquam iam res gestæ Philippi descriptæ sunt, etiam nobile *Luc. 9. c. 3.* elogium eius annexitur, quale & *Freinsheimius* in supplemento *Curtii* notavit. Varius autem Historicorum componendi eam mos est, de quo etiam *Clarissimus Bœclerus* in scholis suis *Florianis* disputatione tertia agit: hoc autem loco *Justinus* eum secutus quem *M. Seneca* in *Suasoriarum septima* describit, dum ait. Quoties magni alicuius mors ab Historicis narrata est, toties verò totius consummatio vitæ, & quasi funebris laudatio redditur, hoc semel atq; iterum à *Thucydide* factum, idem in paucissimis personis usurpatum à *Sallustio* *Livius* benignius omnibus magnis viris

*Ovid. de  
Ponto 2, 3, 8*

*Stratag.  
lib. 4.*

*Histor. 4, 7.*

visis præstitit. Quædam ergo partes elogii eius ad militiam pertinent, quædam ad ceteram vitæ consuetudinem. Fuit enim rex armorum quam conviviorum apparatibus studiosior. cui maximæ opes erant instrumenta belli: divitiarum quæstu, quam custodia solertior. Itaque inter quotidianas rapinas semper inops erat. Misericordia in eo & perfidia pari iure dilectæ: nulla apud eum turpis ratio vincendi: blandus pariter & insidiosus alloquio; qui plura promitteret, quam præstaret; in seria & iocos artifex. amicitias utilitate, non fide colebat, iuxta vulgi morem, *qui amicitias utilitate probat*. Gratiam fingere in odio; instruere inter concordantes odia, apud utrumque gratiam quærere, sollemnis illi consuetudo. Inter hæc eloquentia & insignis oratio, acuminis & solertiæ plena, ut nec ornatui facilitas, nec facilitati inventionum deesset ornatus: Hinc & *Polyænus* de eo scribit: *non minores eum res oratione quam prælio consecisse; & pluris æstimasse verbum quam armis partem victoriam*. Harum enim partem sibi vendicare milites existimabat: illas ad suam unius laudem pertinere. Præterea etiam prudens erat consilio; iramque dissimulare, plerumque; etiam vincere poterat: non minus quoque cum amicis regnare volebat; secundum lectionem *Alberti Sebicii*: quippe cum, ut *Tacitus* ait, nullum maius boni imperii instrumentum sit, quam boni amici. Non enim exercitus, neque thesauri præsidia regni sunt, verum amici. Quæ Principem omnium callidissimum & vaferrium ostendunt, ut ex omni eius vita apparet. Præcipua autem pars famæ eius & nominis ad Monarchiam Græciæ spectat, cuius autor *Philippus*, perfectior *Alexander* fuit.

### *Parricidia aula Persicæ.*

*Iust. lib. 10.*

*Plus. in Artaxerxe  
Tacit. 3, 56.*

Quæ exitio haud parum regno Persico finire, iam porro refert auctor parricidia. Nempe *Darius*, quanquam *Artaxerxes* vivus eum contra morem Persarum, quibus rex non nisi morte mutatur, per indulgentiam regem fecerat, ne se mortuo regnum novis bellis fratrumque certaminibus implicaretur, cum cobihebantur prava aliorum spes, si successor non in incerto sit: nihilominus tamen assumptis quinquaginta fratribus parricidis, interficiendi pa-

tris



eris consilium cepit. Itidem Cyrus, cuius in transitu autor noster mentionem facit, occulte adversus fratrem bellum paravit. Ochus etiam, cui post Artaxerxem hereditas regni tradita est, timens parem coniurationem, regiam cognatorum caede, & strage principum replevit, nulla non sanguinis, non sexus, non aetatis misericordia permotus: scilicet ne innocentior fratribus patricidis haberetur. Sic Codomannus ob memoriam pristinae virtutis, rex à populo constitutus, & postremo victus ab Alexandro, à cognatis occisus est. Quæ autem hæc nefanda scelera sunt: ubi etiã Artaxerxis adeo vile paternum nomen apud tot numero filios fuit, ut quorum præsidio tutus etiam adversus hostes esse debuerat, eorum insidiis circumventus, tutior ab hostibus, quam à filiis fuerit: Res ergo atrocissima, & ab affectione atque naturali pietate alienissima. neque enim aliquis facile in necem suorum iuraverit, nisi qui omnibus affectibus bellum indixerit: recte igitur autor noster infra ait: *in parricidio, nullam satius iustam causam ad sceleris patrocinium prætexi posse.* Quare etiam vindicta divina non cunctata, quæ non autores tantum facinorum prosequitur, sed regna ipsa transfert aut evertit, in quibus talia patrata sunt. Juvenis enim Darius aliquando exacerbat in iurgia primo patris erupit: mox facta cum fratribus coniuratione, dum patri insidias parat, deprehensus cum sociis, coniurationem prodente quodam eunucho, *pænas parricidii diu paterna maiestati ultoribus dedit.* Coniuges quoque omnium cum liberis, ne quod vestigium tanti sceleris extaret interfectæ. nam ut Ammianus Marcellinus ait; *leges apud Persas impendio formidatæ: inter quas diritate exuperant lætæ contra ingratos & desertores, & abominandæ aliæ, per quas ob noxam unius omnis propinquitæ perit.* Ita etiam Cyrus in bello, quod palam & aperta professione parare cepit contra fratrem, à cohorte regia oppressus est. Sic Ochus quoque pœnam non effugit; quippe ab eunucho Bagoa veneno necatus est: cadaver ipsius Bagoas felibus obiecit, & ossa quadam exprobranda crudelitatis causa, in manubria gladiatorum convertit. Codomannus, quod à cognatis occisus est, vitam pariter cum Persarum regno finivit. Adeo ergo non sunt diuturna ista imperia, ubi tanta parricidia patrantur.

*Clapm. de  
arcan. rer.  
publ. 4. 20.  
Lib. 16. c.  
34.*

*Plutar. in  
Artaxerxe*

*Lib. 23. c. 31.*

*Diod. Sic.  
l. 16. p. 361.  
Aelian. in  
Var. hist.  
lib. 6. c. 8.*

# Collatio historiae Curtianae de Alexandri

bello usque ad mortem Darii cum epitoma.

Justini.

- Iust. lib. 11.* **C**onclufit Iustinus in hunc librum totum illud bellum Asiaticum, quod Alexander usque ad mortem Darii gessit. Hinc animus est conferre ampliorem Curtii historiam cum hac epitome. Quando ergo huius libri capite quinto Iustinus memorat, quod Alexander ad Persicum bellum profecturus reges stipendiarios conspectioris ingenii ad commilitium secum traxerit: *inter eos quoque Pythagoram Regem Cypriorum cum Cratero fuisse,*
- lib. 4. c. 3. 11* Curtius subinducat. Atque cum Alexander hostem petens, *Iust. 11. c. 6.* milites a populatione Asia prohibuisset, parcendum suis rebus praeferat, nec perdenda ea qua possessuri venerint: huius interdicti causam ex
- lib. 4. c. 14. 2.* Curtio annotare forsitan hand incommodum erit: quod nempe nullum desperationis Persarum maius iudicium Alexander existimaverit, quam quod urbes urerent, quicquid non corripuissent, hostium esse confessi. Urbis Gordii expugnationem noster post praelium,
- Iust. 11. c. 7.* Curtius autem ante factam memorat: ubi iugum Gordii solvere *lib. 3. c. 1.* adgredientem, circumflectisse & Phrygum turbam, & Macedonum addit: illa quidem expectatione suspensa, hac sollicita ex temeraria regis fiducia: quippe serie vinculorum ita adstricta, ut unde nexus inciperet, quo se conderet, nec ratione, nec visu percipi posset. ille tamen nequaquam diu luctatus cum latensibus nodis, nihil, inquit, interest, quomodo solvatur: gladioque ruptis omnibus loris, oraculi sortem vel
- Iust. 11. c. 8.* elusit, vel implevit. Postmodum cum hinc audito Darium adventare, angustiasque timens discederet, atque in amano Cydno lotus, acrimorbo corripere: praeter ea quae Iustinus habet, notat Curtius; quam ingens sollicitudo, & pene iam luctus in castris fuerit. atque prolixè, quomodo Alexander amicos & medicos, praecipue etiam Philippum allocutus sit, hicque responderit, recenfer. Cum
- lib. 11. c. 9.* vero iam convaluisset rex, praelium inivit cum Dario, quo ex parte Persarum caesa peditum unum & sexaginta millia noster ait, Curtius vero centum millia. Ex parte Alexandri pedestres CXXX. numerat, hic triginta omnino & duos ex peditibus desideratos, quatuor vero & quingentos fuisse saucios tradit. Inter captivos au-

tem

tem castrorum mater & uxor, eademque soror, & filia dux à Ju- Lib. 10. 9.  
 stino referuntur. Quibus Curtius *filium* addit, & singulare cle- Lib. 3. 12.  
 mentia atque continentia specimen in Alexandro notat: *Virgines*  
*enim regis excellentis formae tam sancte habuit, quam si eodem, quo*  
*ipse parente genita forent. coniugem eiusdem, quam nulla aetatis suae*  
*pulchritudine corporis viceret, adeo ipse non violavit, ut summam adhi-* Lib. 11. c. 10.  
*buerit curam, ne quis captivo corpori inluderet.* Haud diu post  
 Tyriorum civitatem accessit, quae non solum ei coronam auream  
 donum magni ponderis per legatos misit, sed & addente Curtio Lib. 4. c. 2. 3.  
*ex oppido commeatus large & hospitaliter adduxit.* Postea vero,  
 cum Tyrii ipsi in templum Herculis intra urbem introitum de-  
 negaret, obsidere Tyrum coepit, cuius obsidionem *Curt.* lib. IV, c.  
 2, 3. & 4. accurate ac prolixè describit. Tradit autor noster, non Iust. lib. 11.  
 magno post tempore captam esse urbem; sed Curtius ait, *septimo*  
*demum mense, quam oppugnari cepta erat, captam esse.* Inde Rhod- cap. 10, 14.  
 dum Alexander, Ægyptum, Ciliciamque sine certamine recipit. Lib. 4. c. 4.  
 Ad Jovem deinde Hammonem perrexit, consulturus de eventu Lib. 11. c. 11.  
 futurorum & origine sua; qua occasione *Curtius* totum oracu- Lib. 4. c. 7.  
 lum Jovis Hammonis eleganter & accurate describit. Quando  
 deinceps *Justinus* Darium ter pacem ab Alexandro petivisse com- Lib. 11. c. 12.  
 memorat, *Curtius*, quae ex parte legatorum & Alexandri habitae Lib. 4. c. 11.  
 sunt, orationes addit. Cum autem de pace non convenire Lib. 11. c. 13.  
 possent, acies produxerunt; quomodo Darius suam disposuerit Lib. 4. c. 13.  
*Curtius* ulterius describit. Capite ultimo huius libri cognatos; Lib. 11. c. 15.  
 quos Darium in gratiam victoris aureis compedibus catenisque Lib. 5. c. 10.  
 vinxisse, *Justinus* refert: exprimit nominatim *Curtius* & *Bessus* Lib. 5. c. 10.  
*Nabarzanemque* appellat.

## Continuatio collationis.

### XII. LIB.

**P**Ergit *Justinus* in hoc libro describere res gestas Alexandri,  
 quare & nos non desistimus conferre eas cum historia *Curti-*  
 ana. Ab initio huius libri narrat, quomodo omnis ferme Græcia Iust. 12. c. 1.  
 post profectionem Alexandri in occasionem recuperandae liber-  
 tatis, ad arma concurrerit, auctoritatem Lacedæmoniorum secu-  
 ta. dux huius belli Agis rex Lacedæmoniorum fuit, quem morum

- Antipater contractis militibus in ipso ortu oppressit. Curtius totum hoc bellum ab initio Lib. VI. accurate describit, & addit: *Lib. 6, c. 12.* Alexandrum haud tacitum indignatum esse, Antipatrum vicisse: sua *Iust. 12, c. 12.* dentum gloria existimantem, quid cessisset alienae. Magna in eo *cap. 1, 9.* bello utrinque caedes fuit. Cecidere enim secundum Curtium *Lib. 6, c. 1.* Lacedaemoniorum V. millia & CCCLX. ex Macedonibus haud amplius *Iust. 12, c. 13.* CCC. ceterum vix quinquam nisi saucius revertit in castra. Postmodum cum Hyrcaniam Mardosque subegisset, ei occurrit Thalestris sive Minitha Amazonum regina cum CCC. mulieribus: *Lib. 6, c. 5.* cuius habitum & colloquia, quae cum Alexandro habuit, Curtius *Iust. 12, c. 5.* recenset. Interea autem Alexander scire in suos cepit, sui; ulcisci contemptum inprimis in Parmenione: cuius caedem & Belli cruciatum noster tangit, Curtius vero pluribus exequitur. Cum *Lib. 7, c. 2.* deinde ad Tanaim amnem rediisset, Alexandriam condidit, eamque *Cap. 7.* circumdedit muro VI. millium passuum. Curtius ait, LV. stadi- *cap. 5, 41.* orum (faciunt 7500 passus) His ita peractis, tandem etiam Cli- *Iust. 12, c. 3.* tum ebrium in convivio laudantem res gestas Philippi adeo re- *l. 7, c. 6, 25.* gem offendisse Justinus ait, ut telo à satellite raptò, eundem in con- *Iust. 12, c. 6.* vivio trucidaverit: Curtius vero tradit, quod Alexander Clitum ad- *Lib. 8, c. 10.* huc eadem lingua intemperantia furem percutere conatus à Ptole- *meo & Perdica* sit inhibitus, ac postea de convivio egressi demum la- *us hasta* transfixerit, morientique sanguine adpersus dixerit: I nunc *Iust. 12, c. 7* ad Philippum & Parmenionem & Attalum. Cum tandem rex ad- *orari* se more Persico superbe iuberet, recusaretque inprimis Cal- *listenes*, gravitas viri & prompta libertas in visa regi erat, ceu notat *l. 8, c. 15, 19.* Rufus, quasi solus Macedonas paratos ad tale obsequium moraretur: *Iust. 12, c. 8.* Fuit porro ex regibus Indorum, Porus nomine, viribus corporis & animi magnitudine pariter insignis, adeo ut victus ab Alexan- *dro*, cur belli fortunam experiri aulus fuerit, interrogatus, libere res- *ponderit*: (ut est apud Curtium) Neminem me fortiorem esse cense- *bam*: meas enim noveram vires, nondum expertus tuas: fortiorem esse *te*, belli docuit eventus. sed ne sit quidem parum felix sum, secundum *Iust. 12, c. 8.* tibi. Quanquam in ipso congressu cum Alexandro, quem tibi *privatum* hostem petierat multis vulneribus obrutus, ut noster *Lib. 8, cap.* habet; novem enim vulnera, iuxta Curtium, hinc tergo, illinc pecto- *re* exceperat. Itaque cum Porus telu gravatus, ex bellina labi cepisset,

set, Indus, qui elephantum regebat, more solito elephantum procumbe-  
 re iussit in genua; qui ut se submisit, ceteri quoque, ita enim instituti  
 erant, demisere corpora in terram. ea res & Porum & ceteros victo-  
 ribus tradidit. Rex spoliari corpus Pori, interemtum esse credens ius-  
 sit, & qui detraherent lorica vestemque concurrere; quum bellua  
 dominum tueri, & spoliantes cepit adpetere, levatumque corpus eius  
 rursus dorso suo imponere, ergo telis undique obruebatur, confosso-  
 que eo in vehiculum Porus impostum est. Atque ita victus ab Alex-  
 andro ob honorem virtutis incolumis in regnum remissus; imò  
 uti Curtius refert, *ampliore regno, quam tenuit, donatus.* Post ur-  
 bem conditam Bucephalon interiecto tempore etiam in Ambros  
 & Sugambros navigavit: Curtius Mallos & Oxydracas vocat. Vbi  
 cum victor ad urbem eorum plenam hostium pervenisset, de  
 muro, quem primus ceperat sine ullo satellite desiliit: quam ibi  
 fortiter se gesserit, Curtius Lib IX. c. 4, & 5. eleganter describit.  
 Tandem Alexander etiam Babyloniam rediit, ibique devictarum  
 gentium præfectos accusatos in conspectu legatorum necari ius-  
 sit: Hos, Cleandrum & Sitalcem, & cum Agathone Heraconem, qui  
 Parmenionem iussu regis occiderant, fuisse Curtius commemorat,  
 & crimina etiam obiecta, quorum accusati fuerint, addit: nempe  
 quum omnia profana spoliassent, ne sacris quidem abstinerant; vir-  
 ginesque & principes feminarum supra perpeffa, corporum ludibria  
 deflebant. Idemque verba lenia, quibus milites ob veteranorum  
 dimissionem seditiosos Alexandrum monuisse, à nostro dicitur;  
 recenset pariter. atque integras Regis orationes exhibet. Qui-  
 bus habitis desiluit frendens de tribunali, & in medium armatorum  
 agmen se immisit, notatos quoque, qui ferocissime oblocuti erant, sin-  
 gulos manu corripuit: nec ausos repugnare, tredecim adservandos  
 custodibus corporis tradidit: quos Justinus Alexandrum ipsum sta-  
 tim manu sua ad supplicia duxisse, ait. Hæc Alexandri gesta no-  
 ster morte eiusdem finit, quomodo in convivio Rex auctore An-  
 tipatro veneno necatus, referens. Curtius hic non subsistit, verum  
 tradit porro, quomodo post mortem illius Antipater regnum Ma-  
 cedonia & Graciam quoque invaserit, soboles deinde exceperit; inter-  
 fectis omnibus, quicunque Alexandrum etiam longinqua cognatione  
 contigerat. Ceterum corpus Regium à Ptolemao, cui Aegyptus cesse-

Lib. 12, c. 8.

Lib. 12, c. 14, 45.

Iust. 12, c. 9.

Lib. 9, c. 4, 15.

Iust. 12, c. 9.

Lib. 9, cap.

4, &amp; 5.

Iust. 12, c. 10.

Lib. 10, c. 14.

Curtius l.

10, cap. 2.

Iust. 12, c. 11.

Curt. 10, 2.

Lib. 12, c. 11.

Iust. 12, 14.

Lib. 10, c.

10, 18, 19, 20.

rat, Memphim, & inde pauci post annis Alexandriam translatum fuisse; omnemque memoria ac nomini honorem habitum. Ætatem regis noster neque præterit, cum decessisse Alexandrum mensem unum annos tres & triginta natum, ait. Si Cl. Freinshemii supplementum conferre hic licet, natus est, ut accuratiores tradunt, incipiente Olympiade sexta supra centesimam, prætor Athenis Elpine, A. D. XII. Kal. Sextili: quem tum mensem Macedones Loniū vocabant. Atque hæc sunt, quæ pertinere ad illustrandum nostrum videbantur.

### *Memorabilis clarorum virorum proventus.*

*Just. lib. 13. cap. 1. Vers. 11, & 12.* PRUDENTER hic Justinus notat, tempore Alexandri Magni & Philippi patris plures illustres viros extitisse, qui tantæ virtutis ac venerationis erant, ut singulos reges putares. Quippe ea forma pulchritudo & proceritas corporis, & virium ac sapientiæ magnitudo in omnibus fuit, ut qui eos ignoraret, non ex una gente, sed ex toto terrarum orbe electos iudicaret. Neque enim unquam ante Macedonia, vel ulla gens alia, tam clarorum virorum proventu floruit. Cuius rei causas inquirentibus occurrit ante omnia divina providentia, & singulatis favor erga gentem aliquam. Deus enim, quoties imperium extollere cupit, etiam viros præclaros & ei aptos procurat qui non sine maxima utilitate id administrent. Alia deinde causa est virtus & exempla regum; ad exemplum enim eorum componitur orbis, & quales in Republ. principes, tales & reliqui esse solent. Nam *facere recte cives suos*, (ut Velleius ait) *princeps optimus faciendo docet; cumque sit imperio maximus exemplo maior est.* Prudens postea electio ad negotia non parum quoque momenti habet: mature enim ad talia instruendi. quales etiam primo Philippus, mox Alexander tanta cura legerat, ut non tam ad societatem belli, quam in successionem regni electi viderentur. Supervenit præterea & accurata inspectio operum factorumque, ne quid negligenter intermitteretur, aut male agatur. Honores postea & præmia factorum, quantum hæc stimulum addunt ad virtutem? *nam eo labor*



ac periculum impenditur, unde honos atque emolumentum speratur. Emulatio denique virtutis inter tales viros haud parum efficit, dum semper alter alterum virtute superare conatur: atque sic ad maiorem perfectionem virtutis perveniunt: quemadmodum amici Alexandri nunquam sibi pares repperant, si non inter se concurrerent. Hac ratione Macedonia tales viros genuit, ut non mirandum sit, talibus ministris, orbem terrarum victum, cum exercitus Macedonum tot non ducibus, sed regibus regeretur. Vnde apparet caute accipiendum esse, quod Sallustius dicit, quasi in Republica libera potius quam in regno possent viri illustres esse. Sunt autem hæc eius verba: *tempestate imperatorum* (ita consules vocat) *cæpere se quique magis magisque extollere, ingeniumque in promptu habere.* Nam regibus boni, quam mali suspectiores sunt, semperq; his aliena virtus formidolosa est. Id quod de tyrannide quidem concedere possumus, sed non de iusto imperatore, exemplum enim Macedoniae repugnat, de quo testatur noster, ut supra dictum: Quod neque unquam antea Macedonia, vel ulla gens alia tam clarorum virorum proventu floruerit. Sic ergo raro eminentes viri non magnis adiutoribus ad gubernandam fortunam suam nisi sunt: ut duo Scipiones duobus Læliis, quos per omnia æquaverunt sibi; ut D. Augustus, M. Agrippa, & maxime ab eo, Statilio Tauro. quibus novitas familiarum haud obstitit, quo minus ad multiplices consulatus triumphosque, & complura eniterentur sacerdotia: magna enim negotia magnis adiutoribus egent.

*Inst. lib. 13.  
cap. 1, 14.*

*cap. 7.*

*Velleius 2.  
cap. 127.*

### *Eumenis infelix virtus.*

HAUD immeritò hac occasione nobilis virtus Eumenis fortissimis quibusque ducibus commendatur. Vincebat enim in omnes cura, vigilantia, patientia, calliditate & celeritate ingenii, fulgebaturque iam in adolescentulo indoles virtutis. Itaque Philippus eum habuit ad manum scribæ loco, nemo autem ad id officium admittebatur, nisi honesto loco, & fide & industria cognita, quod necesse erat omnium consiliorum eum esse participem; hunc locum tenuit amicitie apud Philippum annos septem. Illo interfecto, eodem gradu fuit apud Alexandrum annos tredecim. Fuit etiam neque salutis

*Inst. lib. 14  
Cor. Nepos  
cap. 1.  
Corn. Nep.  
c. 1, 6, 5, & 6*

*Corn. Nep.  
c. 3, 4, 1.*

D

quam



*Corn. Nep.* quam fidei cupidior; quare *Perdiccas* Eumenem adiunxerat magno studio, quod in homine fidem & industriam magnam videbat. Sed *Iustin.* 14. dux quoque lectus imperium paulatim, primum monendo singulos, mox quæ perperam facta erant, blandè corrigendo, usurpavit; ut sine eo in castris nihil agi, nihil administrari sine solertia illius posset. Vicit postea egregie *Antipatrum* & *Craterum* apud *Hellepontum*. Cum *Antigono* quoque in *Parætaci* confligit, non *Corn. Nep.* acie instructa, sed in itinere, eumque malè acceptum in *Mediam* hie- cap. 4. matum coegit redire. Neoptolemum ipse superavit, & eius prælii diebus decem circiter à priori palmam tulit, ac gloriam ea conciliavit illi ingentem, quod partim sapientia, partim virtute eam peperisset. Sicq; summos duces partim repulsi partim interfecit. Sed *Corn. Nep.* virtute maxime indignum habuit eventum & exitum. Captus enim an- cap. 13. norum quinq; & quadraginta non *Antigoni* virtute, sed *Macedonum* periurio. Et non amplius, quam triduum fame fatigatus, insciente *Corn. Nep.* *Antigono* iugulatus est à custodibus. Negabat enim se ei vim allaturum, cap. 12. qui aliquando fuisset amicus, sed tantum quotidianum victum amoveri iussit, ne qua seditio exercitus oriretur: qui admirabatur, quod de eo non esset supplicium sumptum, à quo tamen tot annos adeo essent malè habiti, ut sepe ad desperationem forent adducti, quique maximos duces interfecisset, & quo interfecto nihil amplius negotii habituri essent. Hinc maxima quoque industria *Corn. Nepotis* apparet, qui *pag.* 395. fortunam Eumenistam candido stylo reliquit. *Plutarchus* etiam hic non prætereundus, qui elegantem collationem instituit inter Eumenem & *Sertorium*. Ambo autem peregrini & alienigenæ & exules gentium variarum & fortium legionum magnorumque exercituum fuerant ductores. *Sertorius* ob dignitatem, Eumenes ex rebus gestis primatum accepit. Huic utilitatis gratia parebant, illum, qui ducem quærebant iustum sequebantur. Alter *Hispanos* & *Lusitanos* Romanus, *Chersonesites* alter, duxit *Macedonas*: quorum hi totum orbem domabant; illi serviebant iam pridem Romanis. *Sertorius* ex senatore, Eumenes ex scriba dux evasit. Illi finis periculorum in hostium potius oppressione erat. Res bello gestæ, æquæ & pares sunt. Ceteris moribus, bellorum & certaminum cupidus Eumenes, qui-

quietis & tranquillitatis Sertorius fuit ſectator. Huic mors ob-  
lata eſt nihil præſentienti, illi etiam exſpectanti cædem.

## *Lyſimachi hiſtoria & fabula.*

**E**ſt Rhetoricis aliquod conſilium confirmationum & deſtru-  
ctionum, moderationi prudentiæ quam certaminibus elo-  
quentiæ accommodatius: nimirum ut ſerviant conſultationibus  
& deliberationibus; ubi rei momenta in utramque partem ex-  
pendere, unamque modo ſententiam confirmare, modo aliam  
informare, aut potius examinare oportet. Id genus exercitii  
hac occaſione & nos prætermittere nolumus; cum autor noſter  
eius occaſionem præbeat, in enarranda Lyſimachi tanquam ve-  
ra hiſtoria; quam & alii ita memorant: Curtius vero fabulam vo-  
cat. Adferemus itaque ea, quæ tum ad confirmationem quam  
deſtructionem eius hiſtoriæ pertinebunt.

### *Pro confirmatione.*

**H**iſtoriam hanc Lyſimachi ut veram non autores leves, ſed  
graves & auctoritate pollentes deſcribunt: quales ſunt Juſti-  
nus, Plinius; qui ait, minime mirandum eſſe, à Lyſimacho Ale-  
xandri iuſſu ſimul incluſo ſtrangulatum eſſe leonem; itemque Se-  
neca de Ira & de Clementia. Apparet etiam veriſimilitudo ei⁹ rei  
ex circumſtantiis: haud enim incredibile eſt, Lyſimachum ami-  
cum Calliſtheni in calamitatibus ſuccuriſſe; & Alexandrum i-  
pſum ferociſſimo leoni obiici iuſſiſſe, Lyſimachumque poſtea  
leonem atrepta lingua ſic exanimaviſſe: cum ut Plinius ait, *omnis  
vis leonum in oculis conſtet*; nam leo manum, quia amiculo in-  
volta erat, conſpicere nequibat. Confirmat denique etiam hanc  
rem conſenſus commemorationis horum ſcriptorum, dum u-  
niſquisque uno eodemque modo eam hiſtoriam deſcribit,

### *Pro deſtructione.*

**H**æc omnia quæ iam dicta ſunt Curtii autoritas deſtruit, omni-  
bus

bis ceteris præferenda. Trogius quidem gravis quoque autor est, sed non ut & ceteri scriptores, ex professo res gestas Alexandri descripsit: Curtius enim solus verissime & accuratissime eas executus est. Neque Seneca talia præcipue tractavit, verum cum morale tantum exemplum induxit: argumentum etiam contra est, quod diligens rerum Alexandri scrutator Arrianus huius facti plane nullam mentionem facit. Causa autem huius erroris detecta est à Curtio. Cum aliquando in venatione inter *feras* leo magnitudinis rara ipsum regem invasurus incurreret; forte *Lyfimachus*, qui postea regnavit proximus Alexandro, venabulum obicere fera caperat. Quo rex repulso, & abire iusso adiecit, tam à semetuno quam à *Lyfimacho* leonem interfici posse. *Lyfimachus* enim quondam, quum venaretur in Syria, occiderat eximia magnitudinis feram solus: sed levo humero usque ad ossa laceratus ad ultimum periculi pervenerat. id ipsum exprobrans ei rex, fortius quam locutus est, fecit. nam feram non excepit modo, sed etiam uno vulnere occidit. Itaque fabulam hanc, quæ obiectum leoni à rege *Lyfimacho* remere vulgavit, ab eo casu ortam esse credit. Congruunt ea minime etiam prudentiæ *Lyfimachi*; qui illustri loco natus erat, sed virtutis experimentis omni nobilitate clatior; quæ tanta in illo fuit, ut animi magnitudine, philosophia ipsa, viriumque gloria omnes per quos Oriens domitus est, vicerit. nam non ita aperte, ut ex historia videtur, *Callistheni* venenum in remedia calamitatum dedisset, cum scire potuerit, quod eo sibi ipsi interitum paraturus sit; raro enim fieri solet, ut quis studio alterum liberet periculo, dum se in istud præcipitat. Consuetudo etiam Alexandri, vix fert talem ultionis modum, cum nullibi legatur, ipsum aliquem, tali poena affecisse, cui indignatus sit: accedit denique etiam hoc, quod supplicium istud maxime inusitatum fuit.

### *Tyrannis Clearchi Heracliensis.*

*Int*er alia exempla tyrannidis, etiam hæc memorabilis historia *Clearchi* non postremum locum tenet, nefandissima enim quæque tyrannicæ crudelitatis is exercuit. Inde autem id malum ortum est, quod, cum maxima calamitatum necessitas esset, is ad tutelam

tutelam patriæ revocatus sit, cui patria antea interdicta erat; exilio enim facinorosior is redditus, & dissensionem populi occasionem invadendæ tyrannidis habuit: sicque Heraclienses ultro cervicibus suis tyrannidem imposuerunt. Autor tyrannidis erat Clearchus, adiutores eius senatores plebis, qui ad ipsum decurrerant & ad tutelam patriæ revocaverant: cum Mithridate quoque in primis societatem iniverat. Tyrannidem autem suam Clearchus ita constituit, dum LX. senatores comprehensos (nam ceteri in fugam dilapsi erant) in vincula compegit; & ne quid mali, afflictis honestissimis domibus deesset, cum cognovisset, bellum sibi ab iis, qui profugerant, parari, uxores eorum filiasque nubere servis suis, proposita recusantibus morte, compulit, ut sibi fidiore, & dominis infestiores redderet. Flagitia tyrannidis maximæ fuere; cum enim prælio commisso victor tyrannus captivos senatores in triumphi modum per ora civium traxisset; reversus in urbem, alios vincere, torquere alios, alios occidere cœpit: nimirum nullus locus urbis à crudelitate tyranni vacabat. Accessit etiam, sævitæ insolentia, crudelitati arrogantia: interdum enim ex successu continuæ felicitatis oblitus se hominem, interdum Jovis se filium dixit. Sed sicut *Tyrannorum ex-*  
*ecrabilis ac brevis potestas est, & rarò sine cade & vulnere descendunt.*  
ita Clearchus quoque & eius adiutores eandem fortunam experti sunt. Mox enim duo nobilissimi juvenes Chion & Leonides hoc illum facere indignantes, patriam liberaturi in necem tyranni conspiraverunt: & quinquaginta cognatis veluti clientibus in insidiis locatis, ipsi more iurgantium, ad tyrannum veluti ad regem in arcem contenderunt: qui iure familiaritatis admissi, dum alterum priorem dicentem intentus audivit tyrannus, ab altero obtruncatus est. Sicque Senatores Heraclienses adiutores Clearchi poenam non effugerunt; nam dum potentiæ irati sunt, in servitutem se tyrannicæ dominationis cum conjugibus & liberis tradiderunt; auxiliumque in suum exitium converterunt, ut supra vidimus.

*Senec. lib.  
I, de Cle-  
ment, c. 11.*

## De affinitatibus regnandi causa contractis.

*luf. 17. c. 3.* **P**ythrus cum filias suas finitimis regibus nuptum tradidisset, o-  
pes affinitatum auxilio magnas parasse dicitur. Hæc res ad-  
monet nos, ut aliquid dicamus de matrimoniis & affinitatibus  
principum, quæ plerumque regnandi gratia, firmandæque aut  
augendæ potentie contrahuntur. quia de re etiam Excellentissim<sup>o</sup>  
Bœclerus in *dissert. ad lib. I. Annal. Tac. cap. 10.* agit. Nuptiæ e-  
nim principum & affinitates sæpe non ex fide & charitate, sed ex  
usu dominationis & ad occasiones fraudis dispensatæ sunt: Sic  
*2. Ann. c. 10. §. 5.* Antonius nuptiis sororu ab Augusto illicitus, ut verè Tacitus iudicat,  
in speciem amicitie & societatis, & postea subdola affinitatis pœnis  
morte exsolvit. Huius rei plurima exempla enarrare possemus;  
*Dissert. in Tac. 1. Ann. c. 10.* sed nolumus hic ea cum Clariss. Bœclero cumulare; cum præfer-  
tim satius sit, cogitare de nonnullis, quam scribere. nimirum non  
absurdè aliquis dixerit: Nuptias magnatum Principumque esse  
comœdias, quæ plerumque in tragedias desinunt. Quare Bar-  
claius etiam in *Argenide lib. III.* ait: Scio à Regibus filias aut sorores  
spargi in eos, quos fallere amicitia specie volunt, vel ad tempus placare:  
nihilque deinde sui sanguinis pignoribus, nihil nominum, quæ murd  
inierunt reverentia moros, pacem & bella ex temporum & fortuna  
estimare ingenio. Legantur plura in eo de hac re; & addantur  
notæ politicæ Forstneri in *lib. I. Annal. Tac. cap. 10.* Videndum  
autem iam est, an rectè se habeat illa consuetudo. Equidem pro-  
pagare amicitias, sibi que finitimos coniunctos reddere & bene-  
*Lib. 1. p. 330.* volos, plena iustitia & prudentia est. Pertinetque huc quod ap-  
ud Herodotum dicitur, de Lydorum & Medorum amicitia, con-  
iugio Arienzæ & Astyagis firmata: Sine vehementi necessitudine  
*Tac. lib. 15. cap. 55. §. 5.* stabiles conventiones iniri nequeunt. Fallit tamen hæc ratio  
*Tac. 1. Ann. c. 55. §. 5.* multoties non tantum, quia cupidus dominandi cunctis affectibus  
flagrantior est. Tum etiam, quia illæ necessitudines, quæ apud  
concordes vincula charitatis sunt, incitamenta sunt irarum apud in-  
fensos. Affinitates itaque tales, cum subdole sunt, & carent  
sincero affectu ac proposito, nec iustæ, nec felices haberi debent.

Alex-

*Alexandri severitas in posteros parricidarum servorum.*

**M**eminis Curtius in describenda obsidione Tyri, maximam multitudinis, quam Alexander interfici curavit, omittit autem causam quam autor noster addit. Cum enim Tirii diu varieque Persarum bellis fatigati, victores quidem fuissent, tamen attritis viribus, à servis suis multitudine abundantibus indigna supplicia perpeffi sunt: qui conspiratione facta, omnem liberum populum cum dominis interfecerunt: atque ita potiti urbe lares domorum occuparunt, Rempublicam invaserunt, coniuges duxerunt, & quod ipsi non erant, liberos procrearunt. Itaque Alexander Magnus, cum interiecto tempore in Oriente bellum gereret, velut ultor publicæ securitatis, expugnata eorum urbe, omnes qui proelio superfuerant, ob memoriam veteris cædis crucibus affixit; quæ pœna omnium gravissima est habita. Queritur nunc, an recte factum ab Alexandro; quod difficulter affirmari potest: sufficere enim ad pœnam inhibendam videtur, quod nemo supersit, qui deliquerunt: probatur igitur à Grotio *Arriani* Lib. 2, cap. 21. §. 8. sententia damnantis vindictam Alexandri in Persas, cum pridem interisissent, qui in Græcos peccaverant. Clarissimus quoque Freins- Lib. 4, cap. 4, 17. hemius in commentario suo in Curtium Iustini in hac re rationem, quamquam nitatur simili exemplo Branchidarum ob maiorum delictum extirpatorum; haud equidem cuiquam pro certa venditare cupit. Elegans etiam iudicium Curtii de hac re sub exemplo Branchidarum Grotius notavit. *Quasi in ipsos proditi-* Lib. 7, cap. 33. *onis auctores excogitasset; in sua ultio esse, non crudelitas videretur: nunc culpam maiorum posteri luere, qui ne viderunt quidem Miletum, adeo Xerxi non potuerunt prodere.* Quare, ut Curtius ait, *triste deinde spectaculum victoribus ira regis præbuit.* Inquis! Lib. 4, cap. 4, 17. At ratio Alexandri magna fuit, ut cum servili germine etiam metuendum omnibus gentibus exemplum extingueret, adeoque publicæ securitatis ultor existeret, quod Iustinus quoque videtur iudicare. Respondendum autem hic existimamus; potuisse Alexandrum ignominia aliqua perpetua notare posteros servilis civitatis, aut etiam plerosque in servitutem abducere (quod iure belli

belli gentilibus in captivos licebat) urbemque novis ac ingenuis incolis replere. Ita exemplo & securitati consultum esset; sed capitale supplicium in posteros ob delicta maiorum vix unquam idonea ratione defendi potest.

*Imperatorum in bello libera an restricta  
debeat esse potestas?*

*Inst.* 19, c. 2. **M**OVemus hanc quæstionem occasione auctoris nostri, qui *lib.* XIX, c. 2. §. 5. Carthaginensium exemplum proponit; apud quos cum imperatores primo fuissent ἀντιπρύτανοι, omnia enim ipsi simul agebant & iudicabant, postea rationem coacti sunt reddere gestorum. Distingui autem hic debent tempora & negotia. Nam in ipso bello gerendo magnæ rationes sunt, ob quas permittitur imperatoribus ex arbitrio agere: verum confecto bello, ut rationes gestorum reddant, non videtur absurdum. Vnde & apud Plinium in panegyrico ille mos commendatur, ut imperator cum imperio calculum ponat. Confirmari hoc etiam potest per singulas Rerum publ. formas. Nam in liberis quidem Rebus publ. ipsa ratio status, ut sic dicam, videtur requirere, ne qui magistratus, ne qua imperia plane libera & absque lege sint. In regio imperio itidem maiestas regnantium quodammodo postulat, ut omnes sciant, rerum omnium rationem uni reddendam esse. In eo quidem expeditiora sunt Regum consilia, quod interdum ex utilitate negotiorum concedere possunt liberam pleratumque rerum potestatem, unumque & alterum imperatorem nimia sollicitudine reddendæ rationis de omnibus liberare: Videatur etiâ hac de re Clariss. Berneggerus quæstion. 35. Moderatio tamen, ut in omnibus aliis rebus hic quoque utilissimum fuerit. Neque enim Carthaginensium in duces severitas Valerio Maximo descripta, probanda videtur: quippe qui etiam Annibalem, qui pro illorum incolumitate & victoria, tot imperatores, totque exercitus trucidaverat; quos gregarios milites hostium si occidisset, magna gloria foret; è conspectu suo submovere in animum induxerunt.

Pytha-



*Pythagora Philosophia & disciplina, qua  
Crotonam formavit.*

Fuit Pythagoras vir doctissimus, ac præstanti sapientia & nobilitate; cui etiam maxima laus debetur, quod summam scientiam philosophiæ consecutus sit, omnibusque rebus ad eam disciplinam necessariis se instruxerit, quare princeps Italica philosophiæ à Diogene Laertio appellatur, cuius quoque vita ab eodem elegantissime descripta extat. Multa sic secula viguit Pythagoreorum nomen, ut nulli alii docti viderentur. Sed quid opus est conquirere elogia tanti viri, cum ipsa disciplina instar sit omnium elogiorum: qua optime Crotonam formavit. Ante omnia enim studium virtutis, ut fundamentum totius salutis Reipubl. præcepit: sine qua laudabilis & firma Respubl. nulla unquam fuit: nulla etiam erit. Deinde populū quoque in luxuriam lapsū autoritate sua ad usum frugalitatis, velut genetricem virtutis revocavit: quanto minus enim rerum, tanto minus cupiditatis esse solet; quod Scythæ bene notarunt, qui aurum & argentum non perinde ac reliqui mortales appetebant, quæ continentia maximam ipsis iustitiam dedit. Luxum ex adverso Pythagoras abolevit, quia, ut Florus ait, *opes atque divitiæ sepe afflixere sæculi mores, versamque vitium suam, quasi sentina, Rempublicam pessum dedere; & magnificus apparatus conviviorum, & sumptuosa largitio, ab opulentia mox egestatem parit.* Præterea docuit matronas pudicitiam & obsequia in viros; quippe sanctæ coniugia haberi debent: Liberos vero modestiam, quod vocabulum omnem quasi disciplinam continet: ubi enim arrogantia animo insidet, ibi nulla bona disciplina esse potest. Studium quoque literarum non oblitus est; de quo multa multorum volumina extant: an & quale & quibus id permittendum sit: quod ideo nunc omittimus. Potest hic obiter adhuc queri, an istud sodalitium 300. iuvenum Pythagoræ legibus originem debeat? Apparet quidem exinde Pythagoram multos discipulos habuisse, ex quibus fortassis hi bono fine convenerunt, quod tamen eos non satis excusat, quippe consensu Reipubl. id agere debuissent: Prudens igitur obser-

*Lib. 34, 2.* vatio est apud Livium, qui ait : ab hoc genere summum periculum est, si cœtus, & cœnjilia, & secretas consulationes esse sinas.

## *Carthaginensium severitas in ulciscendo Hannonis scelere.*

*Iust. 21, c. 4.* **A**VLus erat Hanno, interfecto senatu, invadere regnum Carthaginensium. Sed secunda vice proditus captus est, virgisque cœsus, effossis oculis, & manibus cruribusque fractis, velut à singulis membris pœna exigenterentur, in conspectu populi occiditur: corpus verberibus lacerum in crucem figitur. Filii quoque, cognatique omnes, etiam innoxii supplicio traduntur. Merito ergo hic aliquis querat, an iure potuerint filii cognatique propter ipsius scelus puniri. Fuit quidem talis etiam lex Macedonum, quæ cautum erat, ut propinqui eorum, qui regi insidias sunt, cum ipsis necarentur. Apud Venetos sic erat, ut mortuo duce, eius administratio examinaretur, & in cognitionem traberetur, quæ si paulo iniquior & ferocior fuit, sevitum est in mortuum, eiusque propinquos. Ceterum fiebat id partim, ut parentes amore liberorum à cæde principum abstinerent, partim quod paterni, hoc est, hæreditarii criminis exempla in filiis metuuntur. Inprimis verò propter cupiditatem vindictæ paternæ, qua æstuant liberi hoc constitutum est. Rationes huius severitatis præterea etiam ab atrocitate criminis maiestatis & vindictæ securitatis publicæ desumi solent; ut sic ab omni periculo liberi sint, nec quisquam secundum nostrum ad imitandum scelus, aut ad mortem ulciscendam ex tam nefaria domo superfit. Sed si dicendum, quod res est, colores hi magis sunt quàm rationes. Nam, ut Imperatores Christiani aiant, ibi pœna esse debet, ubi & noxa. Huc ergo & vulgatum illud pertinet; noxa caput sequitur. Philo quoque ait: iustum esse, eorum esse pœnas, quorum sunt peccata; reprehendens morem quarundam gentium, quæ tyrannorum aut proditorum insones liberos morte puniebant. Quod si ergo leges humane iniuste sunt, ut Grotius dicit; quæ liberos occidunt ob parentum delicta, iniustior sanè lex Persarum & Macedonum deoventis & propinquorum capita, quo, qui in regem pec-

*carant*

carant, triftiores perirent, cuius legis diritate exsuperari leges omnes  
 fcripfit Ammianus Marcellinus. Adiciemus adhuc fententiam *Lib. 4. c. 15.*  
 Clapmarii de arcan. Rerump. cui iniquiffimum videtur, quod in coh-  
 iuratorum fobole in nonnunquam aequè fevère atq; in autorem anim-  
 advertitur, etiam innocentiffimam; Regulariter enim crimen vel  
 pœna paternæ nullam filio maculam infligere poffe. Illud quidem  
 fecuritatis publicæ caufa forte concedi poffet, fi in vindicta huius  
 criminis tota domus aliqua labe notaretur, vel honoribus prohi-  
 beretur; quod etiam in Arcadii lege tolerabile in liberos erat; ne ad *Gror. de l.*  
 aliquos honores & fagramenta perveniant. Sed ad fupplicium ca- *B. & P. 2.*  
 pitale innocentibus inferendum nulla idonea ratio fuppedit. *cap. 21. 16.*

### *Fortuna mira mutatio apud Char- thaginenses.*

QVam varia & incerta eft fortuna? quæ hodie aliquem ma- *Iuf. 22. c.*  
 gnum reddit, cras alium aut nullum, cui proprium eft, erecta 4 & feqq.  
 deicere, deiecta erigere. Eius rei nobile exemplum Carthagi- *Lipf. pol. 1.*  
 nenses nobis præbent, qui paulò ante victores, poftea victi funt: *lib. 2. c. 15.*  
 ut ftupor & admiratio omnes incellerit, unde tanto imperio tam *11. not.*  
 fubitum bellum præfertim ab hofte iam victo. Sed locum hic *Lipf. pol.*  
 habent verba ifta apud Senecam de Tranquillit. animi: quod nem- *lib. 2. c. 15.*  
 pe nullum regnum, cui non parata fit ruina, proculcatio, & dominus *10. not.*  
 & carnifex: nec magnis ifta intervallis divifa, fed hora momentum *cap. 11.*  
 ingrefle inter folium & aliena gœna. Quæ autem caufa fuit Car-  
 thaginensibus huius infortunii? ipforum fecuritas, quæ tamen  
 maxime fugienda erat; nemo enim celerius opprimitur, quam qui *Vell. lib. 2.*  
 nihil timet, & frequentiffimum initium calamitatis fecuritas eft. *cap. 11. 4.*  
 Negligentia quoque Carthaginensium hic culpanda, qui non  
 prius omnia fatis fecum volutaverant; an patriam ad obfidiionis  
 neceffitatem multo frumento & ftipendio inftituerint, an fatis  
 virium ad tutelam eius reliquerint; & quæ eius generis alia funt,  
 quæ ante omnia prius bene provideri debuiffent. Superbia quid  
 ibi effecit, illa certè principalis caufa fuit exitii: cuius affidua co-  
 mes deiectio & pœna. Ex parte verò Agathoclis & Syracufano- *Lipf. pol. 2.*  
 rum magna confilii peculiaris prudentia apparet, quam idè etiã *55. 10. not.*  
 victo-

Lib. 22. cap.  
424

Victoria secuta est. Ait enim autor noster: mira prorsus audacia, ut quibus in solo urbis sue par non erat, eorum urbi bellum inferret; & qui sua tueri non poterat, impugnaret aliena, victusque victoribus insultaret. Quare Scipio quoque apud Livium dicit: *multum interest alienos populari fines, an tuos uri exscindique videas: nam plus etiam animi est inferenti bellum, quam propulsanti.* Quo consilio Scipio prudentissime usus est, manente enim in Italia Hannibale, transmissio in Africam exercitu, necessitatem Carthaginensibus imposuit revocandi Hannibalem: sicque à domesticis finibus in hostiles transtulit bellum.

*Hiero, sive rara indolis & fortuna omina  
in ipsa infantia ostensa.*

Inf. 23. c. 4

Inf. 2. c. 9.

Lib. 7.

cap. 2. 13.

Lib. 7. c. 5. 2

VB finem libri XXIII. autor noster Hieronis quoque mentionem facit viri nobilissimi. Erat enim ei maximè regia indoles, quæ iam in adolescente apparuit, quare ipsa etiam infantis educatio quasi præhæntia fuit ingentis futuræ maiestatis. Habuerunt & talem egregiam indolem apud nostrum Themistocles adhuc adolescens, Amyntas & Philippus. Quippe genitus erat iste Hiero patre Hieroclyto nobili viro, sed maternum illi genus sordidum atque pudibundum fuit. nam ex ancilla natus ac propterea à patre velut dehonèstamentum generis expositus fuerat; sed non diu post parvulum recollegit, omnique studio ad spem maiestatis instituit. Varia enim omina acciderant, quæ infanti regnum portendebant; ista diligenter etiam à nostro descripta sunt, quibus plerumque etiam scriptores elogia nobilissimorum virorum condecorare solent, Suetonius quoque in describendis imperatoribus multa huiusmodi omina refert. Parvulum expositum & humanæ opis egentem, apes congesto circa iacentem melle, multis diebus aluere, donec à patre, ut iam supra dictum est, collectus. Eidem in ludo inter coæquales discenti lupus tabulam, in turba puerorum repentinè conspectus, eripuit. Adolescenti quoque prima bella ineunti, aquila in clypeo, noctua in hasta consedit. Quod ostentum & consilio cautum, & manu prom-

promptum, regemque futurum significabat. Ob suam enim maximam moderationem postea consentiente omnium civitatum favore, dux adversus Carthaginienses primum, mox rex creatus est. Virtutes eius regiae & dotes maximè insignes fuere. Nam adversus provocatores sæpè pugnavit, semperque victoriam reportavit. à Pyrrhø rege multis militaribus donis donatus est. Pulchritudo ei corporis insignis, vires quoque in homine admirabiles fuere: in alloquio blandus, in negotio iustus, in imperio moderatus: prorsus ut nihil ei regium deesse, præter regnum videretur.

Quoniam l. 2. c. 8. Pisistrati Tyranni *nomine: at re*  
(*in multis quidem*) *optimi Principis* secundum Lips. comm.  
ad Senec. lib. 3. de Ira cap. 11. fit mentio, vel Corollarii  
vel paradoxo loco sequentem comparisonem  
inter ipsum & Augustum appo-  
nemus.

### PISISTRATVS.

Herodot. l. 1.

*Cum seditio orta esset inter Paralios  
& Pedieos &c. tyrannidem animo agi-  
tans (Pisistratus) sertiam ipse factio-  
nem excitavit.*

Herod. ibid.

*Imperio positus, nullis, qui tum e-  
rant, magistratibus perturbatis, neque  
legibus mutatis, sed in præsentis statu  
manens &c. urbem exornavit. Plu-  
tarch. in Solone. Indignabatur, si præ-  
sensentem rerum statum quis moveret,  
aut res novæ affectaret.*

### AUGVSTVS.

Tac. l. 1. A. c. 1.

*Omnia discordiis civilibus fessa  
nomine Principis sub imperium ac-  
cepit.*

Tac. l. 1. A. c. 3.

*Domites tranquillæ, eadem ma-  
gistratuum vocabula,*

*A. Gellius l. 6. c. 17. N. A.*

*Libros Athenis disciplinarum liberarium, publicè ad legendum præbendos, primus posuisse dicitur Pisistratus tyrannus: præcipuè apud Aelian. l. 13. c. 14. collectum in unum omnibus (Homeri libris) Iliadem & Odysseam consecit.*

*Paufanias in Attic.*

*Pisistratus templum Iovi Olympio facere cepit Strabo l. 9. Ipsum Jovis Olympii templum semiperfectum reliquit. De Pythio Apollinis templo, ut & de Lyceo Suidas in voc. Πύθιον Πύθειον.*

*Cicer. l. 3. de Orat.*

*Quis doctior iisdem illis temporibus, aut cuius eloquentia literis instructior fuisse traditur, quam Pisistrati? qui primus Homeri libros, confusos antea sic disposuisse dicitur, ut nunc habemus. confer Valer. Max. l. 8. c. 9.*

*Aristotel. 5. Pol. cap. 10.*

*Pisistratus aliique tyranni facti sunt ἐν ἀναξωρίας.*

*Isocrates in Panatthen.*

*Præstantissimos civium; & Oligarchico, eiecit.*

*Sueton. c. 29.*

*Templum Apollinis excitavit &c. Addita porticus cum BIBLIOTHECA Latina Græcaque.*

*Sueton. c. 29.*

*Jure gloriatus est, Marmoream se relinquere (Romam) quam lateritiariam accepisset &c. Publica opera plurima extruxit: ex quibus vel præcipua Forum cum æde Martis Ultoris: templum Apollinis in Palatio, ædem Tonantis Jovis in Capitolio &c.*

*Tacit. 13. A. c. 3.*

*Angusto prompta ac profluens, quæ deceret Principem, eloquentia fuit. Sueton. c. 86. Genus eloquendi secutus est elegans & temperatum &c. conf. c. 85. de ipsius scriptis.*

*Tac. 1. A. c. 2.*

*Ad tuendam plebem Tribunitio iure contentus.*

*Tac. 1. A. c. 2.*

*Cum ferocissimi per acies aut proscriptione occidissent, c. 10. Proscriptionem civium, divisionem agrorum, ne ipsis quidem qui fecere, laudatas.*

*Finis partis prioris.*

Ad Ornatissimum Dn. Respond.

**I**llustres animas accendit, & aequat Olympo  
Heroum virtus, quando illam in imagine pictam  
Cernunt, tunc his nulla datur requies, neque somnus,  
Usque exoptat am liceat pertingere metam.  
Sic quoque, MOCKELI iuvenum flos inclyte, volvens  
Heroum tot facta, animus virtutis amore  
Flagrat, & hac scriptis dum tentas condere doctis  
Spem facis egregiam; te quondam singula factis  
Esse expressurum, quæ iam legis euge labora  
Ut vehat ad seros nomen tibi fama nepotes.

Honoris ergo apponebat  
Paulus Christoph. Forstner.

Nobiliss. Dn. Respondenti.

**Q**uæ quondam Trogus, prisca Facundia seeli,  
Lumenque historiarum, maiore volumine scripsit,  
In brevius contraxit opus Justinus, & inde  
Vtilium corpus confecit nobile florum.

a) Justin. in Prefat.

Ex hoc, MOCKELI, florum dum corpore digna  
Cognitione legis, propriosque reponis in usus,  
Egregium moliris opus, quod laudibus æquis  
Certatim cupiunt faciles decorare Camæenæ.

sc.

Ioh. Jacob. Reusner, Liechten. Hanoic.

**V**erba, tractu maximo diffusa, comprehendere  
Strictioribus pagellis, laude res dignissima.  
Hæc splendidum detus MOCKELIANI sanguinis,  
Flos inventa, speciem virtutis Augustissimum  
Optimè cognoverat, cum pauca paucè poneret.  
Quippe, quæ Justinus ex Trogo prius collegerat,

Non



*Non placebant : Digna lectu , digna visu , ais , extraham ,  
Vt nihil nisi succus adfic , suavior discantibus .  
Perge sic Auguste , quo sis pacis Augustissimæ  
Lumen , & tandem has compos paternæ gloria :  
Nobilem te dicere , omnibus ipsa virtus imperat .*

*Sic grata mens & affectus sincerus intimo  
suo gratulari voluit*

*M. Abrahami Fischéri, Argent.*

**Q***Uæ Rex cælorum primis primordia regnis  
Indidit , & quonam bellandi increverit ordo  
Omine , quisque sibi primus tormenta propinguez  
Intulerit genti , & miserandas terruit urbes ,  
Quæque diu steterit Respublica , quæque ruinam  
Passa ; gravi quondam elogio terribissimus auctor  
Trogus Pompeius librum compegit in unum :  
Res mirata diu , res digno digna labore  
Inter culta bonos : cumque hæc industria vidit  
Justinus ; ut loquitur peregrinus gesta suorum  
In propria lingua ; satis utile id esse putarat ;  
Vt peregrina suis quoque gens Romana referret  
Ore suo ; magnum toties volvendo volumen  
Pompeii , iu paucas opus haud ignobile chartas  
Conscripsit , quo nunc toto celebratur in orbe .  
Verùm , Auguste , tibi quantum debetur , in istis  
Quod memoranda libris memoranda laude refingis ,  
Quo dico , & dicam ferri te nomine fas est ?  
Te iuvenum florem & studiosi nobile cætus  
Lumen , adest nomen , tibi quo signare labores  
Constitui hosce tuos , Augustum , nomine laus est  
Juncta Augusta tibi , quo ferri laude mereris ,*

*Gratulanti animo nobili & eximio Dn. Re-  
pondenti scripsit*

*Iohannes Henricus Copp.*



I. N. D. N. J. C.

# LAUDABILIVM POLITICORVM,

*ex Iustino,*

PARS POSTERIOR,

Quam

DIVINO NUMINE ANNUNTE,

*Sub Praesidio*



VIRI,

*Reverendi admodum, Excellentissimi,  
& Clarissimi,*

DN. IACOBI SCHALLERI,  
SS. Theol. Doct. & Philosophiæ Practicæ Profes-  
soris celeberrimi, spectabilis, h. t. Collegii Philosoph. De-  
cani, Fautoris sui plurimum suspiciendi.

SOLENNI


*Eruditorum Examini ad d. 31. M. August.  
proponit*

CHRISTOPHORVS JACOBVS MOCKE-  
LIUS, Halæ Natus.



ARGENTORATI,

Typis FRIDERICI SPOOR, Anno clc lxc XLIX.



Leo Imperator in κεφαλ. παραιτητικῆς ad  
Basilium filium.

**P**er *Historias* veteres ire ne recusa. Ibi enim reperies sine labore,  
qua alii cum labore collegerunt, atq; illinc hauries & bono-  
rum virtutes & improborum vitia: vita humana varias  
mutationes, & rerum in ea conversiones: mundi huius in-  
stabilitatem, & imperiorum precipites casus. Et ut ver-  
bo complectar, malorum facinorum pœnas, & bonorum pra-  
mia. quorum illa fugies, ne in divina Iustitia manus in-  
cidas; hac amplecteris, ut premiis, quæ ea comitantur,  
potiaris.



*Nobilissimo & Excellentissimo*  
*Domino,*

DN. GEORGIO  
SNOILSKY,

Sacrae Regiae Maiest. & Coronae Suecicae  
Consiliario, & per Alsatiam Legato.

Tum

*Nobilissimo, Eximioque*  
*Domino,*

DN. IOHANNI FRIDE-  
RICO Zägern/

in & à Zägersberg Jurisconsulto, & Duci  
Wurtembergico à secretioribus  
Consiliis.

*Salutem & Observantiam D.*



VVM PRIMVM DISSER-  
tationis huius elaborandae consi-  
lium

lium susceperam , PATRONI &  
 FAVTORES æternum hono-  
 randi, virium mearum imbecillitas & cele-  
 ritas, quam in conscribendo ut adhiberem  
 temporis me compulit ratio , ancipitem  
 cogitanti curam adferebat, mereretur ne  
 hic qualiscunque noster labor cum Patro-  
 cinio nominis vestri in lucem prodire.  
 Discussit tamen illud omne, quod fortassis  
 pilum conatui iniicere valuisset, & spei ve-  
 stræ, quam de me concepistis, & benevo-  
 lentia, quâ me & parentem semper com-  
 prehendere dignati estis, recordatio. Præ-  
 terea cum & vitæ studiorumq; meorū ra-  
 tionem vobis præcipuè approbare obstri-  
 ctus sim, id ipso opere ut declararem, de-  
 crevi alteram Justinî partem evolvere, &  
 fratris exemplo Memorabilia, quæ in eo  
 continentur, colligere. Ita quidem ut ea  
 tantum attingerem , non verò latè exten-  
 derem ; Alias enim rerum Memorabilium  
 amplitudo integrū volumē exigeret. Hanc  
 igitur Dissertatiunculam, *Solenni* congratulatione  
 pro-

propediem examinandam; ceu studiorum  
 meorum specimen & qualescunque mo-  
 numentum Vobis NOBILISSIMI  
 DOMINI confecro, & primam pensi-  
 onis solutionem offero. Et ut hilari fron-  
 te accipiatis, & mihi vestrarum virtutum  
 admiratori cultorique perpetuo, deinceps  
 quoque faveatis, quantum possum opere,  
 qua par est, submissione oro. Ceterum  
 spero alios vitio mihi non daturus, quod  
 hoc publicè disputandi munus ante an-  
 nos huic pares oneri subire ausus fui.  
 Quippè morem gererem visum est mo-  
 nenti Quintiliano, *Non esse nimis longè  
 differendum Tyrocinium, nam quotidie me-  
 tus crescit, maiusque fit semper quod ausuri  
 sumus opus, & dum deliberamus, quando  
 incipiendum sit, incipere iam serum est.*  
*Quare fructum studiorum viridem & ad-  
 huc dulcem promi decet, dum & venia &  
 spes est, & si qua sunt dicta iuveniliter pro  
 indole accipiuntur.*

Quod superest DEVM TER OPT.  
MAXIMVM ardentibus suspiriis invo-  
co, ut vos diu seruet incolumes, me pariter  
meaque studia, profectus, spes, Vobis,  
NOBILISSIMI DOMINI,


Quâ decet humilitate  
& reverentia,

commendo

*Christophorus Iacobus Mockelius,*  
A. & R.

Nobi-





*Nobilissimis Fratribus,*

*Dominis,*

AUGVSTO FRIDERICO }  
 & } MOCKELIIS.  
 CHRISTOPHORO JACOBO }

**M**OCKELII Fratres, nostri quos fulgida  
*Phæbi*

*Inter laurigeros aluerunt castra triumphos;*

*Promite thesauros animi, procedite faustis*

*Alitibus, recto premite & vestigia gressu*

*Magni BOECLERI; totas qui duxit Athenas*

*Ad Boream, loca dura gelis. Is dum bella Gothorū,*

*Dum populum latè victorem, oracula Magna*

*REGINAE pandit, docta & dulcedine lingua*

*Illustres animas clarum dimittit in ævum:*

*Nos hic interea lugemus pectore Suadam*

*Sublatam ex oculis longum & testamur amorem*

*Eius, qui calamos nostros non dixit inertes.*

*Vivit in ore virum PATRVVS, post fata su-*  
*perstes,*

*Ecclesja atq; schola gratum & memorabile nomen:*

*Inge-*

*Ingeniūq; suis monumentis vivet in ævum,  
Quæ non imber edax aut innumerabilis ista  
Diruet annorum series. Quascunq; per oras  
Vivit in ore virum Pater, arte & rebus agendis  
Vndique conspicuus, quem nulla obli-via cõdent.*

*Accipite exemplum magnum, florescite Musis,  
ARTIBVS atq; BONIS fastigia scandite honoris,  
Ingeniis altis hilares. Vos cuncta loquetur  
Tellus, perpetui & ducent in secula Fasti.*

Amoris E. apposuit  
Præses.

*Nobili, Eximio & Doctissimo, Fratrum pari,  
Dnn.*

AVGVSTO FRIDERICO }  
& } MOCKELIIS.  
CHRISTOPHORO JACOBO }  
*amicis suis.*

PRiscis MOCKELIOS suam iuventam,  
Et læta ingenium vicens iuventa  
Addixisse iuvat, probisque chartis.  
Quos laudes veterum eruditionis  
Exornant, pariterque prisca virtus,  
Par prisca decus hos referre par est.

*Robertus Koenigsmannus.*





LAUDABILIVM  
POLITICORVM EX  
IUSTINO,

PARS POSTERIOR,

Libro XXIV. usque ad finem Epitomarum.

*Ptolomæi Tragica scelera tragico ex-  
itu finita.*

**M**emorat hoc libro Justinus nefan-  
da Ptolemæi scelera, quibus sororis suæ Arsinoes fi-  
lios vita & ipsam Cassandrea urbis possessione pri-  
vavit. Ad horum consiliorum exitum, ut perveniret,  
sanctissima præ se tulit nomina, amoris, reconcilia-  
tionis, concordia, matrimonii cum sorore contrahendi. Quin  
imò iurisiurandi religionem interposuit, ut sororem sibi concili-  
aret, & conciliatam perderet. His adiecta sunt varia blandi-  
menta, nuptiarum celebritas, diadema regium Arsinoes capiti  
impositum. Donec occupata Cassandrea, sorore meandemque  
coniugem duplici mascula prole, & quidem in matris gremio  
interfecta solliavit.

Tantus scelerum cumulus ex cupiditate dominandi natus  
est. Recte quidem Tacitus *cupidinem dominandi omnibus affecti-  
bus flagrantiorē dicit*. Sed quanta sit vis huius vitii, tum demum  
cernitur, quando in animum crudelem, serum, pravum incidit.  
Tum enim verissimum est, quod veteri verbo dicitur: *nullam es-  
se crudeliorem homine bestiam*. Sed nec Ptolemæo inulta scelera fu-  
erunt: inquit Historicus. Quippe diis immortalibus tot periuria &

*Iust. lib. 24.  
c. 2. & 3.*

*Lib. 15, cap.  
33. 5.*

ram cruenta parricidia vindicantibus brevi post à Gallis spoliatus regno, captusque, vitam ferro, ut meruerat amisit. Grave & verum ab homine Ethnico iudiciū, quod arguere merito debet, eos, qui periuria & parricidia inter artes & sacra regni commendare audent. Melioris politices studiosi firmiter sciunt & credunt, nulli hominum periuria aut parricidia inulta unquam fuisse, aut futura esse:

Tibull.

— Et si quis primo periuria celat,  
Sera tamen tacitæ pœna venit pedibus.

Inst. 4. &  
seqq.

### *Gallorum in Gracos expeditio.*

Grot. de  
iure belli l.  
2. cap. 2. §.  
16, & 17.

Huius expeditionis causa erat multitudo incolarum, quibus Gallia abundabat, & ob id ipsum aliquot millia hominum ad sedes novas quarrendas emittebat: quod Iustinus *Ver sacrum* appellat. Tales an sint recipiendi iuxta Grotii sententiam obiter respondeo: illis iusto bonoque titulo sedem denegari non posse, dum & imperium quod constitutum est subeant, & quæ alia ad vitandas seditiones sunt necessaria. Nam sic Aeneæ causa æqua erat, cum sedium inopia compulsus ad Latinos Aborigines venisset. Barbarorum enim est hospites pellere, inquit Strabo ex Eratosthene. Ita tamen ne vi & armis sedem quærant, ubi eos recipere nemo mortalium tenet. Sicut exemplo esse possunt hæc loco Galli, qui sedem armis qua siverunt, omnesque actiones & consilia ad raptū direxerunt: ut etiam ingens terror Gallici nominis fieret. Sic Galli ob prædam opimam orientis in Macedoniam irruerunt, omniaque in modum latrocinii deprædati sunt. Vbi victis Macedonibus, in superbiam prolapsi, prædam religioni aurum offensa Deorum immortalium pratulerunt. Macedones verò plus in Deo, quam in viribus reponentes in templum Delphici Apollinis confugerunt, scandentesque Gallos è summo montis vertice, partim saxo, partim armis obiuenerunt. Et sic ex tristi principio lætiore venit eventus: contra ex parte Gallorum laetiori ex principio tristis successit eventus.

*Pyrrhus*

## Pyrrhus Bellator.

**P**YRRHVS natura pronus in bella erat : in quibus gerendis valde assiduus & studiosus erat , qui neque ab ulla magnitudine , neque ulla multitudine hostium deterreri potuit. *Iustim. lib. 25.* Victorix eius , ( quæ ex multitudine hostium æstimandæ ) valde insignes fuere , ut etiam omnis Græcia admiratione nomine eius , simul & rerum gestarum gloria attonita esset. Exitus quoque militaris ita celebris , ut patriam suam , angustam ignobilemque & claritudine nominis sui toto orbe illustrem redderit : quod & ipse Justinus testatur ; nullum nec eius nec superioris ætatis regem comparandum Pyrrho fuisse. *Iust. cap. 1. §. 3.*

Hoc solum , quod in eo culpatur , nomen virtutis militaris non meretur , nimia scilicet cupiditas bellandi , cui ita deditus , ut etiam , nec maiorem ex imperio , quam ex bello voluptatem cepit : quod idem Plutarchus in vita eius testatur. Et ut ad devincenda regna invictus habitus ita devictis acquisitisque celeriter caruit.

## Tyrannis Aristotimi.

**P**OST obitum Pyrrhi magni bellorum motus fuere ; ubi , ut in turbido statu fieri solet , res in Tyrannidem excrevit. *Iustim. lib. 26. cap. 1.* Nam inter turbatarum provinciarum motum homo ambitiosus ( quod proprium tyrannorum ) Aristotimus tempori inserviens imperium simul cum Tyrannide occupavit. Quod non solum crudeliter aggressus est , sed etiam gessit. dum multos sibi suspectos ex primoribus occidit , plures in exilium egit : ita ut Taciti verba opere ipso quasi confirmaret , qui dicit : *suis temporibus nobilitatem , opes , amissos gestosque honores pro crimine : & ob virtutes certissimum exitium.* *Hist. l. 1. c. 13. 4.* Deinde Tyrannidem quoque per avaritiam ostendit , dum matronas iussu eius exulaturas spoliavit , adeoque per illum dolum prædam captavit. Et ut denique omnibus suis cupiditatibus , quæ ad implendos affectus faciebant , satisfaceret , virgines ad stuprum diripuit. Quæ scelera verè nomen Tyrannidis

merentur. Quare etiam mox dignum facinoribus exitum habuit. *Nihil enim difficilius, quam senem videre Tyrannum.* Quippe Hellanicus cum coniurata manu tyrannum quinto, postquam occupaverat Tyrannidem, mense oppressit.

Posslet hac occasione quaeri, an Tyrannicidium Hellanici laudandum sit nec ne. Nam alias non statim omnis tyrannus, ut quidam putant, iuste interfici potest, sed tanquam inuasor; quod etiam Hellanicus hic fecit, & Aristotimum ut inuasorem obruncavit, quare factum eius minime improbamus. Vnde apud Græcos talis lex, quæ non modo talem tyrannum interfici concederet sed etiam iuberet.

### *Antiochus Hierax sive accipiter.*

*Iustin. lib.  
27. cap. 2.*

**I**AM de Antiocho aliquid dicendum occurrit. Mos fuit veteribus virtutes hominū & vitia, quæ maximè in iis emicuerunt, quibusdam cognomentis nominare. Hinc Antiocho nomen factum Hierax sive accipiter, quia etiam alias Accipitris titulo habendi rapiendique libido, ab Erasmo quoque veluti proverbiali loquendi genere notatur.

Hic autem titulus in Antiocho significat, aviditatem regni, quod totum, ut accipiter cibum, fratri eripere conatus est; putavitque se esurire, donec solus imperaret. ideoque omnia aliena latronis more, eripuit, sceleratamque audaciam sum sit. Turpe profectò in rege elogium, & quod cum nomine propositoque regni plurimum pugnat. Si enim ulla virtus certe Justitia alienis abstinens, suis contenta regem decet. Nam *remota iustitia, quid sunt regna, nisi magna latrocinia.* Certè nullas opes viro, ac præsertim principi pulchriores longioresque censeo, quam virtutem & iustitiam: inquit Xenophon. Cumque virtus bellandī necessariis Reip. temporibus casibusque servanda sit, latrocinii ritus longissimè debet ab animis abesse; bella enim sine iustitia sunt latrocinia. Præsertim autem non regī modo sed homini vitanda est illa inhumanitas, quæ cupidine habendi in proximos & necessarios sævit.

*Augustin.  
lib. 4 de ci-  
vitate Dei  
cap. 4.  
Xenoph. de  
de Cyri ex-  
pedis. l. 7.*

Hæc

Hæc quamvis clara sint, & aperta; tamen repettas Pseudopoliticos, qui talia principibus consilia suggerunt, quasi ultro vellent eos ad commerendum accipitris titulum instigare; dum de proferendis regni terminis consulunt, & id æquius quod validius esse, sequæ in armis ius ferre, & omnia virorum fortium esse putant. quæ publica latrocinia, tantum abest, ut ullo nitantur humano iure, ut ferina potius, vel si quid etiam feris immanius est, existimanda sint. Nam ita B. Augustinus dicit; inferre bella finitimus, & inde in cætera procedere, ac populos sibi non molestos, sola regni cupiditate conterere & subdere, quid aliud quam grande latrocinium nominandum est. Sed tamen cupiditate latrocinii tales, modo nominati, non erubescunt, quin ins violent, & principi patricidia, (de suspectis intellige) omniavæ quæ obstant removenda suadeant. Atqui nos cum Demosthene dicimus: multi sæpenumerò, dum maiora concupiverant, ea quoque, quæ iam obtinebant, amiserunt.

Tac. lib. 15,  
cap. 1. 6.  
Livius lib.  
5. cap. 36.

Lib. 4. de  
civ. Des  
cap. 6.

in orat. cõ-  
tra Aristot-  
git.

## *Spartanorum in clade, & Antigoni in victoria magnanimitas.*

Magnitudo animi per omnia quidem ferè virtutum officia ostendi potest: sed maximè eminet in ferenda adversitate aut felicitate: quorum illa per animi humani mollitiam: hæc per insolentiam, plerumque secus, quam debebat, regitur. Hic concurrat exemplum in utroque genere: nam & Spartani cladem exitiabilem fortiter, & Antigonus plenissimam victoriam moderatè tulerunt. In utraque enim re insignis cernitur animi magnitudo: in clade quidem Spartanorum, quod industriam, quantum humana virtus eniti potuit, imminenti cladi opposuerunt. quod clade affecti non amiserunt consilium & animi præsentiam: nullus apud eos stupor, nulli inanes questus, sed Reip. amor, atque de ea & pro ea sollicitudo, dum magis omnes publicam, quam privatam fortunam lugebant. Qualia exempla paucissima leguntur. Quantum autem hæc magnitudo animi in tolerandis adversis possit, apud potiores politicos sæpè inculcatur. Clapmarius in arcanis inquit: *rebus deperditis sæpe magnus animus fortunam comminiscitur, atque ab audacia mutuatur.* Sed non

Iustin. lib.  
28. cap. 4.

Lib. 36. 24.  
Tac. lib. 13.  
cap. 38. 21



minus laudis ac utilitatis habet, res secundas prudenter ferre; & victoriâ, qua nihil in rebus humanis insolentius est, regere: Non enim tam vincere pulchrum, quam victoria clementer uti: sic etiam vindictâ, cupiditatibus coercitis, sæpius bona fama quam oppressione inimicorum & vi gens devicta, adiungitur, ideoque *bel-*  
*Tac. l. 12,* *lorum optimi fines, quosies ignoscendo transigitur*, nam & ab hosti-  
*cap. 19. 3.* bus ipsis magna benevolentia captatur. Sicut Antigonus hoc loco. Cuius temperamentum non tantum communi clementiæ titulo commentandum est, sed magnanima insuper prudentia.

## *Principum disciplina, virtus*

*MAIORUM.*

*Justin. lib.*  
*29. cap. 1.*

**C**VM historicus memorasset, eodem ferè tempore universi orbis imperia nova regum successione mutata esse: addit memorabile illud de regibus pueris: His regibus pueris, inquit, & si nulli senioris ætatis rectores erant, tamen in suorum quisque maiorum vestigia intentus, magna indole virtutis enituit. quæ verba monent nos de educatione & disciplina principum; quæ potissimum certis præfidiis perficitur: egregiis præceptoribus & rectoribus, deinde exemplis laudabilibus. Et de rectoribus quidem alias sæpè agitur: & nobis ed minus hic de iis agendum est, quia his regibus, de quibus Justinus loquitur, fortuna temporis aut negligentia suorum rectorum copiam & adiumenta negavit. Exemplum autem maiorum, quid effecerint in generosa regum indole notabiliter consignavit. habet enim reputatio domesticorum exemplorum aliquid voluptatis & illecebræ, ex ipsa cognatione sanguinis: deinde proprium quoque est generosæ indolis nolle degenerem videri. maior quoque fiducia & spes præclari eventus subnascentur per vestigia maiorum incedentibus. De quo elegans locus in Plutarchi Arato extat: At, cui sponte, inquit, generosa ex maioribus indoles dedit, ut ait Pindarus, sicuti tibi, ut ad præclarissimam domesticorum exemplorum vitam componat: Hunc felicitas sit meminisse præstantissimorum avorum suorum, audienti semper de in aliquid & referenti. Neque peculiaris hic penuria de  
coris.

coris ex alienis laudibus aucupatur gloriam, sed sua cum illorum  
 copulans, tanquam stirpis & vitæ duces celebrat. Et hoc est  
 quod etiam apud Tacitum à malis quidem hominibus, à malo *Lib. 14. d.*  
 consilio, sed sententia non mala dicitur: Neronem iuvenem *52.* *fat*  
*amplis doctõribus instructum esse maioribus suis.* Cuius loci ideo  
 fecimus mentionem, ut admoneret nos, inale uti hac Philosophia,  
 qui principes adolescentes ad licentiam exhortantur, & ne au-  
 scultent senioribus aut rectoribus, itemque viris amicis & pru-  
 dentibus, subinde extimulant. Ex horum sensu & mente C. Ca-  
 ligula apud Philonem de Mactrone, quoties eum procul venientē *p. 999. e-*  
 conspiciebat, loquebatur: Adest preceptor iam supervacuum, *dis, Paris.*  
*pagus non amplius pueri prudentioris seipso monitor, qui subito impera-*  
*tozem obedire postulat non rudem regiarũ artium, quarum magister*  
*videri vult, sed à quo ipse doctus nescio.* Mihi certè ab incunabulis  
 contigerunt educatores plurimi, patres, fratres, patru, patruels, avi,  
 proavi, iam inde a primis R. principibus per paterni maternique gene-  
 ris seriem cognatione proximi: ne quid dicam de virtutum seminibus,  
 qua innasci solent in principe. Quemadmodum enim corporis ani-  
 mique forma, habitu, gestu, consilio, actionibus, prognati maiores suos  
 referunt, eodem modo probabile est in ipso semine delineari quandam  
 habilisatem dignam principe. & audebit aliquis indoctus me, qui in ma-  
 terno usero & natura officina, imperator formatus fui nondum in lu-  
 cem editus, docere artes imperatorias, quas dudum probe calleo? an  
 credere fas est, in mentem venire posse, civi paulo ante privato & hu-  
 mili, regia consilia? attamen impudenter audens præire nobis impera-  
 toria mysteria, quibus ipsi vix dum initiati sunt. Non enim excluden-  
 di sunt hi adiutores, sed illa tantum pars doctrinæ commenda-  
 tur, quæ domesticis exemplis constant. Sicut adhuc hodie re-  
 ctissimè faciunt, qui principibus historiam maiorum suorum di-  
 ligenter commendant.

### *Terra motus ominosus.*

**M**entionem facit Iustinus noster terræmotus inter insulas *Iustin. lib.*  
 Theramenem & Therasiam, in quo ex profundo cum cali- *30, cap. 4.*  
 dus aquis insula emerfit. In Asia quoque eadem die motum ter-

terræ, Rhodum multasq; alias civitates, gravi ruinarum labe concussisse, quasdam solidas absorpsisse memorat. Hisce atque talibus portentis, mutationes imperiorum & fata urbium populorumque prænunciari Lipsius confirmat; cum dicit, haud spernenda omnino videntur, cælo terraque prodigia & fulminum monitus, & futurorum præfagia, læta, tristia, ambigua, manifesta. Et exemplis illustrat Ammianus Marcellinus, ubi terræmotus præfagientes Bithyniæ & Nicomediæ clades recenset: quæ prolixè enarrare haud necessarium duco; cum & alii scriptores iis abundant. Talia autem prodigia plerumque ominosa esse, & minime læta, ipse quoque Ammianus testatur, qui dicit, cum terra pulsus nunciaretur, periti horum minus latum esse pronuntiabant.

Inter alia etiam meminit conjecturæ veterum de terræmotu, & maxime de causis eius, quas hac occasione haud prætereundas censeo: cuius hæc sunt verba; *Accidunt, ut opiniones existimant, inter quas Aristoteles æstuat & laborat, aut in cavernis minutæ terrarum, quas Græci sringas appellamus, impulsu crebriore aquis undabundis: aut certe, ut Anaxagoras affirmat, ventorum vi subeuntium ima terrarum: qui cum soliditatibus con crustatis inciderint, eruptiones nullas reperientes, eas partes soli convibrant, quas subreperint humidi. Unde plerumque observatur, terra tremente, ventorum apud nos spiramina nulla sentiri, quod in ultimis eius secessibus occupantur.* Quæ de re etiam consuli potest Seneca quæst.

In talibus autem prodigiis gentiles valde fuere superstitiosi, & omina multiplicarunt & undique captarunt, nam hoc ex ipsius Justinii loco capi potest, dum prodigio territi, vates cecinere, oriens Romanorum imperium, vetus Græcorum ac Macedonum voraturum. quibus exemplis totus Livius abundat, ita ut hac in re officium historici ferè supergressus videatur. Sed hæc gentiliū vatum, de quibus hic Justinus noster loquitur, interpretatio, ex quadam rerum similitudine petitur. Ita enim solebant in omnibus futurarum rerum explicationibus, etiam in somniis. Quod ideo monendum est, quia vulgo volebant persuadere, se certa scientia & arcana arte ista certis prædictionibus explanare posse: cum revera tota illa ars coniectorum, augurum, aruspicum ceterorumque vatum, nihil nisi coniectura esset quadam rerum simili-

P. 5, c. 16.  
 Gerf. 56.  
 Tac. Hist.  
 lib. 1, c. 33.  
 Lib. 17.

Lib. 23.

Totus liber  
 VI. & Gil-  
 bertus La-  
 chemi lib.  
 7, cap. 16.

similitudine adumbrata. Accedebat interdum audacia temere & citra similitudinem prædicendi asseverandique, ne dicam de adiumentis diabolicis, quæ plerumque ultimum subsidium gentilium prædictionum fuerunt.

## *Romanorum adversus Annibalem*

### *Consilia & artes.*

**R**omani, populus verè Martius, cum assidua gererent bella hostesque in omni penè terrarum parte invenirent, neminem tamen tam gravem adversarium habuerunt sicut Annibalem. Itaque etiam pace composita cum Pœnis, omnes rumores de Annibale captarunt sibi in maius interpretati sunt: adeoque decreverunt astu & fraude cum eo bellare, cum iam arma essent posita. Igitur legatio Carthaginem missa, ad speculandos actus Annibalis, ut si fieri posset, Annibalem per æmulos eius interficeret, metusque invisi nominis tandè populum Romanum liberaret. Et alia legatione ad Antiochum missa dedi sibi Annibalem postularunt. Iterum cum victoria Prusis de Eumene rege Romam nuntiata esset, missi à senatu legati sunt, qui utrumque regem in pacem cogerent, & Annibalem deposcerent, adeoque non acquieverunt donec Annibal vitam abrumperet. An hæc à Romanis iure aut bono more facta sint, possit aliquis dubitare. Non enim R. veteres *longe magis* præ se tulerunt, quod postea lapsis in peius moribus Tiberius iactavit, nimirum *non fraude, neque occultis, sed palam & armatum populum Romanum hostes suos ulisci*. Deinde quoque pax composita occasione & ius nocendi inimico abstulerat: atque quidquid Annibal adversus Romanos inimicè fecerat, publico civitatis nomine fecerat. Nam *Iustinus* ait, eum bella non Romanorum magis odio, quàm patriæ amore gessisse, cui ab optimo quoque etiam spiritus ipse debeatur. Denique non videtur Romanorum gravitate dignum esse, de tanto viro rumoribus credere, vel ex rumoribus aliquid adversus eum statuere. Fortasse diceret aliquis contra, non fuisse inania, quæ de Annibale Romam perlata sunt; præsertim ab ipsis Carthaginensibus, ad purgandam publicam conscientiam, atque in Annibalem poti-

*Iustin. lib.*

*31, cap. 1.*

*& segg. &*

*lib. 32, c. 4.*

*Tac. A. 2,*

*88, 1.*

*Lib. 31, c.*

*4, 7.*

us competere culpam pacis, non bona fide cultus, quia non destiterit post bellum compositum hostilia in Romanos moliri. quare neminem teneri expectare primum ictum, sed licere inimici molitiones, antequam proveniant, quacunque via intervertere. Distinguenda quoque esse negotia. Sicut enim fortè speciem artis illaudata haberent illa mandata, legatis Carthaginem missis data; ita nullum ius impedire, quo minus ab Antiocho victo inter conditiones pacis Annibalem dedi sibi postularent. A Prussia autem optimo iure potuisse petere, ne amicus P. R. inimicissimum Romano nomini secum haberet: Præsertim cum Annibal nova subinde adversus Romanos molimina exerceret. Sed quidquid sit, tamen Romani non in totum excusari posse videntur, cum non omnia præ timore, sed partim ex invidia & odio adversus Annibalem egerint.

### *Macedonici regni casus.*

*Justin. lib.*

*33. cap. 1.*

*¶ 2.*

Imperium Macedonicum ab exiguis initiis in sumum excrevit: ita ut inter maxima regna, quorum pauca numerantur, constitueretur. Quod autem sub Perseo rege, devictum à Romanis, vix per bina sæcula *sub regno fuit.* ut Justinus narrat. Operæ pretium erit, de interitu eiusque causis aliquid dicere; quæ melius intelligi non possunt, quam si comparentur rex Perseus, & ultimi illi Macedones, cum Alexandro Magno, & præcis Macedonibus.

*Lib. lib. 41.*

*cap. 20.*

*Curios. 1.*

*3. cap. 2. 13.*

In Alexandro ergò summa prudentia militaris emicuerat, consiliaque prompta & salubria nunquam defuerant; fortitudo eius insignis quoque erat, quod satis ex ipsius factis egregiis capi potest. In Perseo nullus vigor militaris, nulla prudentia, sed eius loco superbia erat. Macedonia veteris gens torva & inculta, clipeis hastisque immobiles cuneos & conferta robora virorum texit. Ultimi vero hi Macedones cum his compositi fuere tyrones & calones, atque ut verum dicam, vitia, quæ olim Persæ tempore Alexandri, Galli hoc tempore referebant.

### *Achaorum corpus dissolutum.*

*Me.*

**M**emorabile est & callidum Romanorum consilium in dissolvendo Achæorum corpore. quod quomodo perfecerint, innox ex oratione magni viri repetemus, si de republica & statu Achæorum aliquid dixerimus. qui hic fuit. **ACHÆI**, licet per civitates veluti per membra divisi fuerint, unum tamen corpus, & unum imperium habebant; singulorumq; urbium pericula mutuis viribus propulsabant: eratque tanta confederatorum conspiratio, ut iisdem imperiis, iisdem legibus, eadem religione, eadem lingua, sermone, eadem disciplina, iisdem moribus, iisdem numis, iisdem mensuris, iisdem ponderibus uterentur. Quantum autem ad artes, quibus Reipubl. hoc corpus dissolverunt, attinet; Ampliss. vir **Jacobus Gothofredus** in orat. Achaica eas satis disertè proponit. Nimirum cum Romani cura **Flaminii** & **Aristæni** Prætoris favore Achæos primò à societate Macedonica avulserant, sibi que adiunxerant fœdere exitiabili, lege tamen ea ut deinceps **Lacedæmonii**, quos ab Achæorum imperio Romani quodammodo distraxerant, in Achæorum fide & ditione essent; nisi de capite ac fortunis omnibus **Lacedæmonii** civis lægeretur. Verum hæc unio apud discordes illos incitamentum irarum fuit. **Lacedæmonius** enim gravis ab antiquo & assiduo Achæorum hostis: *Licet Achaico nuper Concilio per Philopamenem nuper unitum, nondum tamen amulationem veterem posuerat: agrè igitur ferens Achæi exules quosdam à Romanis traditos, nocte ad ortum vicum marissimum, quibusdam castis improvise occupavit. Tum decretum huius rei autores nisi dederent violatum fœdus videri. Hoc superbo imperio Lacedæmonii offensi 30. hominibus ex factione Philopamenis exulumque interfectis, societatem Achæis renunciarunt seque Romanis in ditionem obtulerunt. Romani controversiæ destinati arbitri, perplexo responso acrius iritarunt Lacedæmonios. Restandem ad Romanos frequentibus utrinque legationibus relata. Subiit inter hæc discordiarum domi fomes, quo Achæi ipsi inter se dissentire, & in factiones partesque diduci cœperunt. Pars quippe Romanæ potentiae admiratione capti, mollioribus deinceps consiliis agendum, Romanisque controversiæ disceptationem permittendam, imperata denique facienda censere. Pars contra patriæ amantes, palam obnunciare,*

*Iustin. libro  
34. cap. 2.*

hoc facto Achaia Græciæque fatum accelerati, suis denique legibus ex fœdere legem hanc discingendam contendere. Cum iam igitur nonnullæ civitates secessionis ab Achæis cupidæ essent. Romani optumè illius gnari, *divide & regnabis*, denunciarunt, si qui vellent à consilio seu unione Achaica recedere id per Romanos licere. Idemque qui secundum fœdus Achæis auxilia mittere debebant, vel saltem impedire ne ex Italia Messenam arma frumentumve importaretur, nihilominus Messenios non representare, imò responso suo secessionem Messeniorum non improbare, quasi ea res nihil ad se pertineret. His discordiis civilibus in factiones diducta Achaia, tandem per proditores in potestatem Romanorum transit.

Insignis verò inter alios proditor Callicrates memoratur, cui cum patriæ defensio Romæ adversus Lacedæmonios mandata fuisset, clam eam eiusque ius optimum prodidit, Romanis omni ope in Achæos concitatis. Qui patriæ remissus à Romanisq; commendatus, cum summo mox Præturæ honore augeretur; admoto ad gubernacula patræ proditore, certissima Reipubl. labes consecuta. Huius etiam opera cum bello Macedonico Perseus Achæis reconciliari quæreret, postularetque armorum societatem per fraudem elusus; hincque Macedonia Perseo victo, subacta & in provinciam redacta fuit. Nec minus huius proditoris impulsu deneagta ab Achæis fœderatis Ægypti Regibus auxilia, itemque Rhodiis; sicque rupis etiam vetustus sordibus labefactata est res. Per idem quoque tempus à Sulpitio Gallo indultum Ætolis, ut seiuncti ab Achæorum concilio propriisque auspiciis Legatos Romam submitterent. Ea; defectio ab senatu probata est, mandatumque Sulpitio, ut quam posset civitates plurimas ab Achaico conventu disiungeret. Collisi tandem inter se Achæi & Lacedæmonii per nonnullos etiam prætores, quorum fides auro victa vinctaque fuit: unde post demum à Romanis per L. Aurelium Orestem eò missum cum multis mandatis avulsi. Hunc in modum concilio Achaico soluto & tandem bello inter Romanos Achæosque orto, occupata, direpta, dirutaque Corintho, populus omnis sub corona venditus, omnisque Græcia libertate exuta est. Magnum igitur documentum, quam



quam malè cautum sit uni tis corporibus, ubi sunt, qui non in commune consulere amant, aut civilibus discordiis civitates unitas distrahi patiuntur.

### *Pseudo Alexander.*

**D**emetrius Orofernem à fratre per iniuriam regno pulsum, ut ad ampliandas fines regni honestū belli titulum haberet, supplicè recepit. Qui ingrato animo inita cu Antiochen sib<sup>o</sup>, qui tunc Demetrio offensus, pactione, pellere ipsum regno à quo restituebatur, consilium cepit. Sed adiuvantibus & Ptolemæo rege Ægypti, & Attalo rege Asiæ, & Ariarathe Cappadociæ, bello à Demetrio laceffiti Antiochenfes, subornant propalam quendam sortis extremæ iuvenem, qui Syriæ regnum velut paternum armis repeteret; & ne quid contumeliæ deesset, nomen ei Alexandri indebatur. Tales larvæ principum omni ævo spectatæ. Sic apud Tacitum Pseudo-Agrippa, Pseudo-Drusus, apud Suetonium Pseudo-Nerones, apud Valerium Maximum Pseudo-Ariarathes. Etiam in Floro, & præsertim Lipsii monitis Politicis, aliisque scriptoribus talia exempla plurima occurrunt: & ab eo, quod sibi accommodaverunt schemate, signantur. Huius commenti origo, partim est ab ambitione propria eiusmodi scelestorum hominum, quæ maximorum malorum magistra & artifex; partim ex artificio, & veluti Magia aliena, cum æmuli aut inimici principes populive, in alium principem eiusmodi larvam adornant, & tanquā spectrum emittunt. Memorabilis cum primis est Perkinii historia, qui se Richardum IV. Angliæ Regem ferens, miris turbis regnum, regemque legitimum Angliæ Henricum VII. adiutus à magnis principibus, diu vexavit. Vindicta autem pletumque atrox & manifesta sequitur, partim Deo non ferente suæ imaginis insignia larvis & spectris aptari; partim principibus ipsis sacra maiestatis violata, prudenti severitate ulciscens. & rem certè indignam facit princeps, qui in alium principem tale prodigium subornat.

*Iustinus  
lib. 35.*

*Franc. Bacon, de  
Vulcanio.*

### *Hereditas Attali.*

**A**ttalus Asiæ rex ante mortis obitum P. Romanum heredem instituit, regnumque Romanis tradidit.

*Just. l. 36.*

b 3

Quæ.

*de iure  
belli lib. 1.  
cap. 3, 12.*

*Vide Flo-  
rup. c. 11.*

Quæstio super hac re politicis nascitur; an rex alteri regnum testamento possit tradere, altervè iustè accipere possit. Ex parte Attali respondetur, verum quidem pauca dari regna, quæ pleno iure proprietatis sunt, sed interim illos plane errare, qui oppugnât, nullum regnum testamento posse tradi, quod *Hugo Grotius* multis accuratèque ostendit. Nam Attali regnum proprii iuris fuit, ut plerorumque orientalium imperia: in contrarium autem non potest ostendi, quod regnum non plenissimè possederit Attalus. *Valerius Maximus* ait: Attalus testamenti æquitate gratus Asiam populo Romano legavit. Quod autem hic *Justinus* de eo narrat, quasi non fuerit satis compos mentis, videtur potius ad acerbiter animi referendum, nam legitur ærariæ artis fabricæ se tradidisse, matri sepulchrum facere instituisse, quæ sane hominis sunt ratione utentis. Ex parte autem Romanorum nemo dubitat, quin iustè acceperint regnum. Si enim Attalus iustè potuit regnum tradere, multò magis illi meliore iure accipere potuerunt. Vnde gloriati sunt Romani, quod sub bonorum nomine etiam regnum complexi sint. Quod autem Spurius reliquerit, nihil ad rem facit, nullibi enim nisi legitimus hæres admittitur. At enim ipse eventus potest arguere Romanos? quod rem non minuit, nihil enim ex eventu indicandum, & præterea non hæreditas, sed Romani ipsi in culpa, qua talem exitum meruerunt.

### *Fatalis æmulus Romanorum Mi- thridates.*

*Justin. lib.  
37. cap. 1.  
& seqq.*

Verba egregiæ observationis è recentioribus proponit *Thuanus*: cuius in apparatu Historici operis, de temporum regnorumque, qualis tum erat, statu, præclarum est iudicium: Ita divino consilio provisum arbitror, ut tot magni Principes eodem tempore orbem terrarum moderarentur, ut quisq; eorum emulatione aut metu æmuli in officio se contineret, & alterius virtus contraria alterius virtute, quo minus licentiosa evagatione se effunderet, inhiberetur. Exemplum hoc loco in autore nostro occurrat *Mithridates*, qui quasi fatalis æmulus Romanorum ortus. Nam eius magnitudo ea fuit,

fuit, ut non sui tantū temporis, verum etiam superioris ætatis omnes reges maiestate superaverit, bellaque cum Romanis per 46. annos varia victoria gesserit. Sic in Germania Ariovistus Romanos magnitudine sua ac opulentia ita vexavit, ut viciis imbuti, virtutis admonerentur. Sic Maroboduus gravis hostis, ad similem magnitudinem potentiamque evehctus, illis multum terroris incussit. Hæc autem eo pertinebant, ut punirentur vitia Romanorum. Nam in exemplo Mithridatis Romanorum vitia partim punita sunt successibus regis : partim fragilitatis humanæ eos sic admonere oportuit, ut crederent, se non invictos esse.

### *Oratio Mithridatis conversa,*

**A**N liceat orationes Historico operi suo interponere extra dubium ferè : exempla enim antiquissimorum historicorum in promptu sunt, quorum summus est Titus Livius, qui copia concionum cætos exsuperat, tam obliquarum quam directarum. Et licet Trogus directas in eo reprehendat, tamen facile à Vossio defenditur. Hoc tantum breviter notandum occurrit, in orationibus longioribus, obliquam haud ferme admitteri posse, cum gravior & asperior esset altera. Cæterum hinc consilium natum est convertendi orationes : cuius exercitii mentionem facit Cicerò & Quintil. quos hac vice in convertenda Mithridatis oratione sequar. *Opraveram*, ut de eo consulendi licentia daretur, bellone Romani petendi sint, an pace iungendi : an verò illis qui nos impugnant resistere debeant, neque illi dubitant, quibus nulla spes victoriæ. Nam adversus latronem ferrum ab omnibus, licet non ob salutem, tamen ob ultionem stringitur. Cæterum cum non id agamus, an quiescere liceat, cum illi non tantum animo hostili in nos ferantur, sed etiam prælio congressi sunt; consuli debet, qua ratione ac spe cæpta bella ab ipsis non deferantur. Si autem illi animum, ego victoriæ fiduciam habeo, nam quod Romani vinci possint, non ego magis quam ipsi milites certum habent, à quibus & in Bithynia Aquilius & Mithridates in Cappadocia fusi sunt. At audio, si quis forte alienis ma-

*Iust. lib. 38.*

*de arte h. p. 21.*

*gis*

gis exemplis, quam suis experimentis movetur, Pyrrhum Epiri regem non amplius quam quinque millibus Macedonum instructum, Romanos tribus præliis fuisse. Etiam Annibalem sexdecim annis Italix victorem incubasse, ita ut haud procul abesset, quin ipsam urbem caperet; quod etiam Romani non suis viribus averterunt, sed domesticæ æmulationes, ac invidiæ studia. Memoratur olim ingressis Italiam transalpinæ Galliæ populis, maximas plurimasque urbes ab ipsis possessas, latiusque aliquando solum finium quam in Asia alias imbelli, ut appellant, eosdem Gallos occupasse. Nec victa solum Roma à Gallis dicitur, sed etiam capta, ita ut unus tantum mons intactus relinqueretur. Hostem illi non bello, sed pretio removerunt. Gallorum autem nomen, quo semper Romani deterrebantur in partem virium mearum conjunxi. Hi enim Galli à quibus, Asia incolitur, ab illis, qui Italiam occupaverant, sedibus tantum distant, neque enim originem ac virtutem genusque pugnae mutarunt. Tauto hi sagaciora quam illi ingenia fortiti, quanto longiori ac difficiliore spatio, per Illyricum Thraciamque progressi, cum penè operosi transierint eorum fines, atque possederint, quam istas, ubi confederunt. Jam audio, ipsam Italiam ab urbe conditam nunquam satis Romanis pacatam fuisse, sed assiduis bellis per omnes annos alios pro libertate, quosdam etiam pro iure imperii continuè pugnasse. Multas quoque Italix civitates Romanorum exercitus ferro cecidisse, quasdam novo ignominiae ritu sub iugum misisse. ac ne veteribus diutius inhaeream exemplis, hoc ipso tempore universa Italia bello Marfico arma corripuit; nec iam pro libertate quidem, sed imperii civitatisque consortio. Grave esse vicinum Italicorum bellum: verum acrius principum factionibus distrahi, maiusque discrimen à civili, quam Italico imminere bello. Præterea à Germania Cimbri, innumerabilis sævissimarum gentium multitudo, turbinis modo in Italiam irrupit. quorum singulis bellis licet Romani pares essent, universo tamen obrui: indeque armis in me expediendis minimè vacaturi. Tempori igitur & occasione præsentis inserviendum, rapiendaque virium incrementa, ne si dum occupati sint, quiescamus, mox quietis maiori negotio occurrendum sit. Non enim quaeritur an arma capi de-

debeant, sed utrum mea potius occasione, an illorum. Tunc enim bellum mihi indixisse videntur, cum pupillo maiore Phrygi-  
am eriperent, quam pater meus loco præmii oblatum adversus  
Aristonicum auxilium, ab iis acceperat; quæ gens & proavo meo  
Mithridati à Seleuco Callinico in dotem oblata est. Et quod me  
regno Paphlagoniæ cedere iusserunt, nonne alterum bellum no-  
minari meretur. Hanc certè non vis, non arma, sed adoptio testa-  
menti, & regum domesticorum interitus, hereditate patri meo reli-  
quit; cum inter tot acerba decreta parendo nihil proficeret, ut eos  
mitigare, sed ut acerbius indies se gererent, assecutus sum. qua  
enim in re obsequens illis non fui? non Phrygiam Paphlagoni-  
amque dimisi? non filium Cappadocia eduxi, quæ iure gentium  
à victore occupata fuit.

Illi tamen victoriam eius mihi eripuere, qui nihil nisi quæ  
bello acquisiverunt, possident. Non Chrestos Bythyniæ rex, in  
quem à senatu arma decreta sunt, in gratiam illorum occisus?  
tamen nihilominus facta Gordii aut Tigranis mihi assignantur.  
Libertatem in contumeliam mei senatus ultro Cappadociæ ob-  
tulit, quæ reliquas gentes privavit: Deinde cum populus Cap-  
padocum, loco libertatis oblatae Gordium sibi Regem dari oraret,  
non obtinuit, quia amicus meus erat. Iussu illorum bellum mihi  
à Nicomede illatum est, cui, cum iniurias ultum irem, obviam  
processimus, & causa bellandi mecum hæc erit, quod ego me  
non impunè Nicomedi satrapæ filio præbuerim diripiendum:  
quippe non peccata regum, sed vires ac maiestatem insequuntur:  
neque in me uto, sed in aliis omnibus hac arte grassandi semper  
uli sunt. Sic cognationum arbitriis avus meus Pharnax regis  
Pergameni Eumenis successor destinatus: Sic rursus Eumenes,  
cuius classes eos primum in Asiam transvehebant, cuius exercitu  
magis quam suo, & Magnus Antiochus, & Galli in Asia, & mox  
in Macedonia rex Perses domitus est; huic tamen ut hosti Ita-  
lia interdiceretur: & quod ipsos patrem invadere pudebat, post-  
ea filium bello petebant, imò nullius maiora merita esse quam  
Masiæ regis Numidarum ipsi fatentur, adè ut etiam victori-  
am de Annibale huic assignent, huic captum Syphacem, Cartha-  
ginemque deletam acceptum ferant. Hic licet tertius ser-

vator urbis inter duos Africanos numeratus fuerit, tamen cum nepote eius bellum inextinguibile gesserunt, ut ne victo quidem ob memoriam patris parcerent, quin carcerem & triumphis spectaculum experiretur. Hæc lex odiorum omnibus regibus dicta est: scilicet quia ipsis tales reges erant, quos etiam nominare illos pudet, nimirum aut pastores Aboriginum, aut aruspices Sabinorum, aut exules Corinthiorum, aut servi venæque Thurcorum, aut qui omnium honoratissimus titulus est, Superbi: atque ut ab illis ipsis traditur ubera lupæ conditores suos aluisse: sic omni illi populo luporum animi sunt, qui sanguine atque imperio, divitiarumque aviditate, expleri nequeunt. Ego seu nobilitatis genere, cum illis conferor, clarior illa colluvie convenarum sum; qui, quod paternos maiores attinet, stirpem à Cyro Darioque Perſici regni conditoribus trahio: ex parte autem maternorum maiorum genus meum ab Alexandro Magno, Nicatore Seleuco, qui imperium Macedonicum condiderunt, duco: seu populum illorum cum meo comparem, & par Romano imperio invenietur, & Macedonico obſistere ausus.

Nullæ ex subiectis mihi gentibus expertæ sunt exterorum imperia: Nullos enim nisi domesticos reges habuerunt, sive dicatur de Cappadocia aut Paphlagonia, aut de Ponto aut Bithynia: itemque Armenia maiorem minoremque, quas nec Alexander ipse, à quo tamen Asia pacata fuit, nec quisquam ex successoribus eius attigit. Duo omnino recensentur Reges, qui Scythiam non subigere, sed intrare tantum ausi, Darius scilicet & Philippus, qui ægre salutis suæ fugam confugerunt: hæc vero magnam mihi vim partem in Romanos suppeditat. Multoque maiore cum timore ac diffidentia bella Pontica ingressus sum, cum rudis adhuc ac tyro essem. Scythias non solum arma, sed etiam virtus animi est, quibus se instrunt: Accedunt locorum quoque munimenta, solitudines nimirum ac frigora, quæ magnum militiæ laborem ac periculum significant: quarum difficultatum præmium nullum esse cum hostis vagæ pecuniæque & sede inops sit. Adiecit, nunc diversam belli conditionem se ingredi. Asia enim, in quam bellum transferendum, cæli temperie, soli fertilitate urbiumque multitudine nullam regionem conferri posse: ibi eos magnam temporis partem, non ut mili-

tiam,

nam, sed ut festum diem acturos, bello dubium facili magis an  
uberi: si modo de proximis regni Attalici opibus; aut veteribus  
Lydorum Joniamque; quid audierint; has non ut expugnet, sed ut  
possideat se venire. Tanta cum cupiditate Asiam se desiderare,  
ut etiam vocibus appellet: rapacitatem Proconsulum, sectionem  
publicanorum, calumnias litium, huius in Romanos odii fomites.  
Nec quidquam aliud exigo, quam ut fortiter me sequamini: præ-  
stabo sane ut intelligatis, quid me duce tantus exercitus possit,  
qui vidistis meamet unius opera sine ulla militum manu Cappa-  
dociam caeso rege captam, qui me solum mortalium pontû Scy-  
thiamque, cuius nec transitus, nec aditus ulli tuto patebat, pavise,  
scire potestis. Nam iustitiam & liberalitatem meam, qui as-  
serunt, nulli magis idonei testes, quam ipsi milites, qui eam quo-  
tidie experiuntur. Præter hos autem & hæc indicia sunt, quod  
unus regum omnium non paterna solum, sed etiam externa re-  
gina per hereditates ob munificentiam delatis acquisiverim, ac  
nunc possideam, Colchos, Paphlagoniam, Bosphorum. Et hæc  
Mithridaticæ orationis conversio est, quæ licet exigua, tamen  
Primitiarum veniam facile inpetrabit.

### *Fatum Regni Syria.*

**D**emetrius Syriæ rex cum Ægypto bellum inferre statuisset, Sy- *Iustin. lib.*  
ria defecit, regemque accepit Alexandrum negotiatoris fili- *39. & 40.*  
um, à quo victo iterum defecere. Denique ipsa assiduis præ-  
liis ita consumpta, ut in contemptum finitimorum venerit, & ab  
imbelli antea gente, Arabibus nimirum infestata fuerit.

Harum discordiarum causæ scelera fuere, quæ ut perpetrata,  
ita etiam punita sunt. Sic enim Demetrius restitutus in re-  
gnum dum aliena affectabat, ipse sua amisit Alexander dein-  
de negotiatoris Ægyptii filius à Ptolemæo Ægypti rege suborna-  
tus, quasi ab Antiocho per adoptionem receptus, regnum inva-  
sit. Mox verò ut meruerat miserabilem penam luit. Postea  
Grypo qui regnum Syriæ destruere conatus est, armulus est natus  
Cyzicenus frater, qui secunda congressione victus ab eo, victor-  
que uxorem Grypi Tryphenam, quæ paulò ante sororem interfe-



gerat, eapit; eiusque supplicio uxoris manibus parentavit. Ipsa denique Syria variis calibus poenam tantorum scelerum ita non effugit, ut contemptus omnium finitimorum fieret, & ab gente alias imbelli infestaretur.

Insigne igitur documentum, quomodo scelera sceleribus puniantur. Nam

*Senec. in  
Hercul. fu-  
rante.*

*Quod quisq; fecit, patitur, auctorem scelus*

*Repetit, suoque exemplo premitur noxens.*

Exempla sunt in promptu. Romulus enim nec ipse ob fratrem occisum naturali morte obiit. Et Julius Cæsar domitor gentium, bellis civilibus Pompeium eiicere studens, ipse violenta morte sublatus.

### *Parthorum Mores examinati.*

*Iust. lib.  
41.*

PLurimum volumina leguntur, qui de legibus moribusque scripserunt gentium, quorum, ni quâ utiles inutilesve sint, consideremus, perexiguus foret usus. Examinabimus igitur oblata occasione leges & mores Parthorum. Vituperari autem præsertim hæc in iis possunt. quod illis fides dictis promissisque nulla, nisi quatenus expedierint: Ad hoc in libidinem magis proiecti quam in cibum, quod corruptissima civitatis indicium est. Cæterum quod militiam attinet, negari non potest, quin fuerint bellicosissimi, liberos enim statim à cunabulis ad exercitia equestria & militaria adhibuerunt, eosque equitare, iaculare, magna industria docuerunt. Sed quod memorabile in ipsis occurrit, exercitus eorum non ut aliarum gentium, liberis, sed maior pars servis constabat. quare etiam mirabili arte bellandi, sed nequaquam laudanda, usi sunt, & tantum procurentibus equis aut terga dantibus pugnarent. Nam cominus præliari ignorabant, neque diu pugnam sistebant. Sed quidquid sit, tamen res militares ita florere, ut omnis auri argentique usus in armis esset, & ad conservandam eam, quisque ut locupletissimus erat, plures equites præberet. In hoc tantum militiae morem non observasse videtur, quod vulgo occisorum corporum sepulturam aut avium aut canum laniatum esse passi fuerint. Sed ut de vestimentis & ami-

cu

effe eorum, quædam addam, hoc, quod Justinus noster etiam ait occurrit: Vestes olim sui moris; posteaquam accessere opes, ut Medi perlucidam ac fluidam habuissent. sed de his doctè & copiosè, ut solet Barnabas Brissonus in suis de Regio Persarum Principatu libris.

### *Iason sive expeditio Argonautica.*

**I**ason, cum Pelæ regi ob insignem virtutem suspectus esset, denunciata militia in Colchos abire iussus: ut in tam periculoso itinere decederet. Sed ille exercitum fortissimorum viro- rum, qui ad eum confugerant, comparavit, eumque incolumem post magnam expeditionem reduxit: De hac expeditione multi dubitant, an verè Historia sive conficta fabula sit. De vellere verò aureo operæ pretium erit audire, quæ doctissimus Vossius refert: Originem fabulæ velleris aurei, ut eam Mela vocat, belle nobis enarrat doctiss. Varro &c. De Antiquis illustrissimus quiq; pastor erat, ut ostendit Græcæ & Latine lingua: & veteres poeta, qui, alios vocant *τολύαγρος* alios *πολυμήκους*, alios *πολυβούτας*: qui ipsas pecudes, propter caritatem, aureas habuisse pelles eradiderunt: ut Argus Atreus, quam sibi Thyestem subduxisse queritur: ut in Colchidæ Aëta, ad cuius arietis pellem profecti regio genere dicuntur Argonautæ: ut in Libya ad Hesperidas, unde aurea mala, id est, secundum antiquam consuetudinem, capras & oves, quas Hercules ex Africa in Græciam exportavit. Nam tamen solas ob pecudes, ut atbitror, Argonautæ profecti: sed per eas *συρανδοχίως* intelligere oportet opes regis universas, imprimis verò thesaurum illū, quem Phrixus, Athamantem ac novercam fugiens, in Colchidæ deportarat. Hos enim consanguinei Phrixi, ante omnes autem Jason, prognatus Ælone, fratre Phrixi huius patruele, non absurde reposcebat. Nam verisimile est, eos fuisse partim ex bonis Nephelæ matris: partim, quia eius domos & agros auferre non poterat, ex pecuniis Athamantis patris, & novercæ Iouis. Eos quoque velleris aurei nomine vocarunt, quia ex pecudibus pecunia comparetur: eoque & pe-

*Justin. lib.  
42.*

*Lib. 1. de or-  
rig. & pro-  
gressu Ido-  
latræ.*

Porro templum hoc Phixi, etiam post ablato è Colchide thesauros ab Argonautis, magno semper loco habitum est, idque propter Argonauticam expeditionem. Dives etiam fuit: sed Augusti ætate omne eius aurum direptum, prius à Pharnace, postea item à Mithridate Pergameno: ut auctor est Strabo undecimo.

### *Sceptrum insigne regium.*

*Iustin. lib.  
43. cap. 3.  
Bulinger.  
de I. R. lib.  
V, cap. 23.*

**M**emorat Justin<sup>9</sup> hoc in libro de Sceptorum genere, quod nihil aliud est, quam *Symbolum regni, Iustitiæ legum, & concionis ad populum*: imò ipsum imperium denotat. quod Suidas βασιλικὸν ῥάβδον interpretatur. Fuit autem primum insigne Deorum. Nam ab origine rerum pto diis immortalibus veteres hastas, quæ nunc sceptra vocantur, coluere: ob cuius religionis memoriam postea Deorum simulachris hastas addiderunt, per quas etiam iurarunt. Deinde illud insigne ad iudices translatum est, qui à Jove leges servarunt. Cum quo etiam consulates aut duces curiam inibant. Sceptrum verò, ut hodie vocatur, in regibus nihil aliud significat, quam antiquissimum apud omnes gentes regis dignitatis signum & ornamentum: quod olim etiam feminæ tulerunt.

*Limnæ  
de I. P. lib.  
2, cap. 4.*

### *Geryonis Historia sive fabula.*

*Iustin. lib.  
44. cap. 4.*

**I**nter alia autor noster Geryonem regem Hispaniæ dicit. Cuius mentionem etiam faciunt scriptores Hispaniæ illustiores. Quapropter hac occasione eius historiam repetere decrevimus. In illa parte Hispaniæ, quæ insulis & magna pabuli lætitia constat, regnum penes Chrysaorem Geryonis patrem, deinde apud eiusdem Chrysaoris filium Geryonem fuit, qui erat ditissimus rex pecudibus & armentis, in quibus pro tempore hominum divitiæ consistebant, quia pecuniarum usus nondum erat. Huius igitur Geryonis divitiis allectus Hercules, ut eum suis armentis spoliaret, in Hispaniam venit. Vbi ille cum fratribus potentia & peritia rerum bellicarum insignibus, Herculi sponte bellum in-

indixit; quos Hercules cum magnis copiis profectus, primum in  
 conflictu vicit, deinde singulari certamine singulos occidit. *Ovid. Me-  
 tamorph. l. 9 Virgil. in Aeneid. c. ap. 7.*  
 Hunc Geryonem Poetae tripitem, id est, tria tenentem capita  
 descripserunt. Causam insuper quare hunc sic Poetae descripse-  
 rint, adnectit Justinus. *Geryonem ipsum non triplicis natura, ut  
 fabula proditur, fuisse ferunt, sed tres fratres tanta concordia extitisse,  
 ut anima una regi viderentur.* De armenis Geryonis, quae  
 Justinus hic prodit, Strabo fabulam confictam affirmat: idem in-  
 dicare videtur Plinius, Arrianus autor Graecus non solum est in  
 eadem opinione, sed etiam astruit nullum in Hispania regem Ge-  
 ryonem natum fuisse. *Plin. 4. 22. Arrian l. 2 de reb. ge-  
 stis Alex-  
 andri M.*

## Continuatio Collationis

### PISISTRATI.

Thucyd. l. 6. de Bello Pelop.

*Longissimo tempore hi Tyranni virtuti  
 prudentiaeque incubuerunt & urbem ve-  
 rō egregiè ornarūt, bella gesserunt; & in-  
 sanis sacra fecerunt: in ceteris civitas  
 pristinis suis legibus utebatur: nisi quod  
 ut semper aliquis ex suis in magistratu  
 essent, curabant..*

### AVGVSTI.

Tacit. 1. A. 2.

*Insurgere paulatim, munia Sena-  
 tus, Magistratuum in se trahere nul-  
 lo adversante &c. Ceteri Nobilium,  
 quanto quis servitio promptior, opi-  
 bus & honoribus extollebatur. Dio  
 L. 53: Non omnia proprio consilio e-  
 git, sed publicè deliberanda proposu-  
 it, &c. tamen nihil prater volunta-  
 tem Augusti agebatur.*

Plutarchus in Solone.

Tacit. 1. A. 2.

*Promptus subvenire egenis. quo et-  
 iam spectat illud apud Athenzum  
 lib. 2. hortis pradiisque custodes nullos  
 imponere: sed permissos, quibus*

*Populum annonā, &c. pellexit.*

Ælian. lib. 9. c. 24.

*Pisistratus accersit iubeat eos, qui in foro deambulando atque oriando tem-  
pus tererent &c. simulque dicebat: si  
tibi boves aratores mortui sunt, de meo  
cape &c.*

*De moderatione animi, humanitate  
plura exempla extant apud Valerium  
Maximum lib. 5. cap. 1. Senec. lib. 3  
de Ira. cap. 11. Plutarch. apophthegm.  
tom. 1. p. 321. Valerius tandem con-  
cludit loc. cit. si nihil aliud dignum  
honore vel memoria gessisset, hu-  
manitas abunde se posteritati com-  
mendaasset.*

Justin. lib. 11.

*Obtinet ad custodiam corporis sui sa-  
tellitum auxilium.*

Herodot. lib. 1.

*Pisistratus Athenienses in fugam  
vertit; consiliumque cum sic fuge-  
rent, prudentissimum excogitavit,  
ut nec amplius caperentur Athe-  
nienses & dispersi tamen essent. Fi-  
lios equis impositos pramissit: qui fuge-  
ntes, assecuti, dicerent ipsis, vellent bo-  
no animo esse, & ad sua quique abirent.  
Cumque dictum Athenienses ausculta-  
rent, scitum potius Athenis, tyrannidem  
stabilivit.*

Sueton. c. 42.

*Impetum cepit frumentationes  
publicas in perpetuum abolendi;  
quod earum fiducia cultum agrorum  
cessaret &c. Atque ita post hanc rem  
temperavit, ut non minorem arato-  
rum quam populi rationem dedu-  
ceret.*

Sueton. c. 54. 55.

*Nec ideo libertas aut contumacia  
fraudi cuiquam fuit. Etiam sparsos  
de se in curia famosos libellos nec  
magna cura redarguit. Ac ne requi-  
sitis quidem auctoribus &c. Dio. lib.  
56. Iniurias acceptas non immodica  
ira persecutum memoratur.*

Dio l. 53. p. 103.

*Tunc statim futuris eius stipatori-  
bus, quo accuratiori custodia nimi-  
rum munitus esset, duplex eius quod  
reliquis militibus pendebatur, sti-  
pendium ut daretur, decretum est.*

Senec. l. 1. de Clem. c. 10.

*Ignovit Abavus tuus victis. Nam  
si non ignovisset, quibus imperasset  
Sallustios & Cocceios & Duillios &  
totam cohortem primam interioris  
admissionis ex adversariorum castris  
conscripsit &c.*

Lacr-

## Laertius in vita Solonis.

Ex epistola Pisistrati ad Solonem prohibentem ab instituto. *Tibi equidem nihil succenseo, quod mentem meam consiliumque detexeris, quippe qui id potius Reipubl. studio civitatis, quam mei odio detexeris.*

## Valer. Max. l. 8. c. 9.

*Pisistratus dicendo tantum valuisse traditur, ut ei Atheniensium regium imperium oratione capti permitterent.*

## Aristoteles 5. polit. c. 12.

*Pisistratum cum aliquando in ius vocatus esset in Arveo pagum, id tulisse ferunt.*

## Thucyd. l. 6.

*Pisistrato iam SENE defuncto. Val. Maxim. lib. 8. cap. 9. Fertur quidam cum &c. iuvenis Pisistratum iam DECREPITUM concionantem audisset &c.*

## Dio lib. 52. p. 493.

*Neque verò minori Agrippa, qui pro Republ. peroravit, quam contrariam sententiam in hoc exequendo est usus industria.*

## Dio l. 53. p. 503.

*Hac arte scilicet orationis de deponendo imperio habita, Cæsar, cum se vel le imperium deponere simulasset, effecit, ut ei à Senatu populoque confirmaretur.*

*Augustum post Actiacam victoriam non quidem ut reum: attamen ut Advocatum in forum venisse & causam hominis egisse ex Dione lib. 55. pag. 550. 551. & Sueton. cap. 56. constat: & ut Actorem, ex Suetonio, cap. 66.*

## Dio lib. 56. p. 590.

*Vixit annos 75. menses 10. dies 26.*



## I.

Nobilissimo Domino Respondenti,  
Amico suo perdilecto.

**N**eclyta Nobilium acta probe cognoscere,  
magna  
Laus est; sed maior, talia facta sequi.

MOCKELI, dum nunc specimen laudabile præbes  
Ingenii & studii, dulcis Amice, Tui;  
Sat Te nosse probas, præclarè talia facta,  
Sed fac, ne sola cognitione scias.  
Quin & agas cura quidquid laudabile. Namq;  
Dum scis, laudaris; sed mage, dum sequeris.

Imque hæc apposuit

Johannes Fridericus Kraut/  
Argentinensis.

## II.

**M**ens tua, quæ sese latebris abscondere nescit,  
Arma virosque canens, arma virosque petit;  
Resve, tuæ quæ sunt famæ dignissima tractas:  
Idcirco totus nobilitate cluis.

amica manu apposuit

M. Abrahami Fischeri.  
III. Kling.



## Kling-Bedicht.

**B**ruder/ soll es seyn/ so wills die Tugend haben/  
 Die sich in dein Gemüht ganz inniglich gesetzt/  
 Vnd dich an kluger Wiß nun für vnd für ergözt/  
 So/ sag ich/ muß es seyn; dann/wann sie ihre Gaben  
 Schon einmahl in ein Hertz hat vest hineingegraben/  
 So gibt sie nimmerzu/ das solches werd verlegt.  
 Ein enfriges Gemüht/ würd herrlicher geschäht/  
 Als alles wehrte thun/daran man sich erlaben  
 Vnd über alle Maas sonst auch ergözen kan;  
 Wohlan! so hastu recht/Herr Noctel/ iest gethan/  
 Daß du dich auß dem Weg der Eitelkeit geschwungen/  
 Drumb wird dein Tugendlob izt für vnd für gesungen/  
 Das ganze Rufen-Heer das frewt sich über dich/  
 Vnd spricht/ Glück vnserm Sohn! Glück dir mein ander  
 (Ich.

Wünschet von Derken

J. H. R.

## IIII.

*Nobilissimo, multa eruditione claro & eximio Dn. Respondenti, Amico & cognato per dilecto.*

**I**ustinus in suo quod exhibet libro,  
 Laudare dignum, fratre cum charo cruvis,  
 Amice singulariter dilecte mi,  
 Non absque laude, vestra namque cernitur  
 Laudabilior.

Hoc summus & clemens Tibi fratrique dei  
 JEHOVA, mente totâ precor, & altior  
 Vestra & profundior scientia indies  
 Evadat, & si debitam pervenerit  
 In magnitudinem, Parentibus  
 In gaudium, atque publicæ cedat rei  
 In commodum, quod faxit alma TRINITAS!

*gratulabundus f.*



*Iohannes David Cummurell.*

